

題詞

狂笏高情嬾不妨
暫時解組學柴桑
歸程料檢無他物
一卷新詩是宦囊

同里范安國



豈將詩賦等雕蟲
時掣鯨魚碧浪中
盟露長吟山石句
千秋法乳繼韓公

才人偏是搗謙甚
不諱譏彈出至誠
風雅相成真兩

美沈家詩句厲家評

樺春評隲至當故以
樊榭評歸愚詩相况

平湖賈朝琮
肅軒

廿載埋頭對簡編窮探二酉費鑽研袖毫三峽在瀾
倒孰抗顏行賭後先天賦高才數獨奇不教青瑣振宏辭騰驤百里何堪
騁繫足籠頭更絆羈傳經半世擁皋比到處英髦慶得師負笈袪衣遍海
內他年自有表章時我齒肩隨少一年尚留疣贅竹溪邊讀君遺集容如
見淚灑西風倍黯然

同里趙

架蕉雨

絳帳花封紀昔遊望雲佇月迥含愁誰知健筆縱橫
處盡是淵衷自在流瓜頂腫隴捧日華閩江縹緲學浮槎囊中山水羅胸
臆湧出江郎夢後花濟南桃李及春敷席屐從游興不孤今日珍珠泉上
女新詞唱徹大明湖邑傳雅化叶絲桐鄉拜經神仰鄭公雒誦遺編懷教
澤也如一月坐春風

依竹山房集

庚辰

草堂春霽



嘉興

沈可培

向齋



春雨郊原足東窓日已暄
塋禽穿老屋細草上顏垣
林潤添新蔭溪深沒舊痕
村居無剝啄鎮日掩柴門
雨中徐良霞栗園兩表兄
瑤圃表弟過訪
村居寂莫瘦吟身渺渺相
思動隔旬且喜舊遊衝雨
至不教清夢索途頻交情
到處無過爾知己於今有

幾人相見坐忘世俗語問拓詩筆已如神
一回撥霧見青天盡日談心興自偏握手未幾還惜
別聯床何事又無緣當窓竹影搖殘滴滿耳蛙聲鼓
暮烟此後情懷忘不得蕭蕭風雨送歸船

仲夏再訪秀巖兄

每歎新詩好輕衫屢踵門槐陰濃入畫人意淡無言
犬媚頻來客鴉喧欲暮村殷雷催驟雨折屐破苔痕

閒福齋詠別

疎簾清草日遲遲揮塵憑欄倒酒卮忽憶春風吹幾

度前堤官柳綠搖絲

贏得同心一解顏夢回終是憶鄉關笑看齋自稱閒
福媿我浮生了未閒

朱翁達夫見投和章再疊前韻奉酬

結屋雲谿畔宗風慕紫陽簾櫳浮竹翠緜帙間鉛黃
服以儒留古情因沒始長最憐相送後春去已堂堂
西軒懸帳處操縵復安絃且喜師兼友渾忘日似年
綠凝書帶草香篆博山烟咳唾揮珠玉還疑落九天
老去才偏撓無嫌擊鉢催何時還理棹相與共銜盃

細讀詩中畫閒吟竹外梅蒼茫烟水濶那禁首重回

吳陸蘭皋夫子



迨遞江山隔蒼茫音問疏蓋棺猶復五聞赴已秋初

師以雍正己酉鄉舉截取選蘭谿教諭僅二年而沒於任死別悠悠遠生平事事

虛信乎還似夢南望重款歎

欲數從前事傷心淚暗添寒應憐范叔清欲擬陶潛

藹藹交情古巖巖道氣嚴門牆登恨晚羨富媿難瞻

竹林開絳帳化雨潤光蘭坐處風常煖立時雪不寒

青藜隨玉案書帶繞朱欄允矣傳衣苦循循智力殫

橫塘曾負笈提命更諄諄猶子無過我如師得幾人

高風宗白庶曲學陋平津莫笑先生老貞心比竹筠

聖世崇文教量材首看宜簡書方速駕祖道且論詩

師赴官時與諸同學奉餞于秦溪小園各賦一詩送別柳暗羅塘路花明秦駐

陂依依南浦望腸斷送班騅

金華風雅地砥礪仰醇儒泮水揚清澤橋門得懿謨

條規遵嶽麓經義絮蘓湖自沐先生訓絃歌教化殊

去歲西湖畔僧房晤好音凄其終日語寂寞越鄉心

病減維摩帶囊空陸賈金隔江西陵遲古渡佇立一沾襟

已卯秋師來杭送
考得朝夕侍側

猶冀重逢日何期病已摧悲哉果木壞傷矣泰山頽
江艦扶靈過風濤捲旒回應思鄉國好魂兮早歸來
武原三畝宅猶是釣遊區總帳懸堂北親朋泣塵隅
清風悲隕穫舊雨散初榆自世無端木誰歎傍墓趨
天乎猶念後不墜舊書香日向泉臺瞑名從驥子揚
應須重努力知不負青箱孺立頑庶意流風百世長
立秋後一日寄徐瑤圃

昨夜梧陰坐新涼襲倚羅清颼催落葉疎雨響殘荷

秋士應無奈秋懷近若何發時乘興至掃石聽高歌

辛巳

清明日懷秀巖

佳節仍如待幽人不可期憑將千里夢常繞五湖湄
處處催寒食家家挿柳枝何時蠟屐至重唱踏青詞
與楚裳香菜雪鴻飲研香齋賞玉蘭次韻

漫勞携手到堦墀喜見瓊葩卧晚枝酒遇素心拚共
醉簾招新燕嬾教垂於今春社題襟處又是秦山刻
燭時待看家園泥迸筍與君重訂理髡卮

伯牙琴臺

信步城東路鍾期此聽琴鶯聲空翠滑樵唱暮雲深
欲覓高山操難尋千載心徘徊鍾磬晚自古感知音
香萊元至感益齋四弟之亡淚落不自制也
迢遞孤村正爾思何期撥棹過茅墟棋日遣興何勞
美酒為消愁莫強辭魚隊波衝鱗易散雁行影斷淚
連絲佳景那禁懷前位痛絕聯牀共詠詩

落花

連村綠暗晝陰籠錦障飄搖盡落紅依草有情非為

雨棲枝無力不關風低粘弱荇沿流水高掛游絲舞
碧空底事憑欄尚凝睇春光歸去太怱怱

草堂

冉冉榆陰覆草堂雨餘空翠滿迴廊燕尋舊宅頻過
慢蜂逐飛花亂度墻身以閒居魚養拙日從閉戶始
知長小窻岑寂無人到讀遍南華一兩章

筍

久從籬落養吾真不共天桃耀水濱驚聽凍雷思脫
穎濯將春雨迴離塵頭初出地先藏節身未噓雲似

帶鱗莫笑凌霄無遠志渭川他日盡貞筠

銅雀硯歌

漳河之水東復東曹家阿瞞真英雄幾人稱王幾人
帝官渡一戰驅并降地不愛寶飛銅雀高臺傑構何
龍從河光蕩漾湧金碧左連金鳳右玉龍壯觀聳峙
見峯業斜陽倒掛雙槁虹更有陳思才八斗樓前作
賦聲摩空手搦黃旗下江漢二喬宛轉難為容晚年
之樂樂何窮讀書射獵兼春冬豈知英雄有時盡墓
田渺渺抽蒿蓬妖姬揮淚管不得分香賣履皆怱怱

無端華屋嗟零落片片宮瓦隨飛蓬澄波百頃仍浩
淼不見當日珠簾櫳此臺既已遭歷劫此瓦翻幸留
遺蹤得非鬼怪護水府無乃蛟兕蟠腥宮一朝神物
不自掩晶瑩躍出洪濤中宛如沔陰獻寶鼎彝器媿
耀光熊然又如泗濱得浮磬清風過處聲鏗鏗年深
豈免有利蝕對之古穆開心胸何人真搜類罔象披
揀沙磔明雙瞳何人追琢裝硯匣刻劃渾化非人工
文人愛護不釋手觀德二字傳放翁吾想放翁入蜀
時賦詩草檄傳黃驄大散關頭伴戎幕此硯相與成

大功更憶鷺花海中住春醪紅滿琉璃鍾蘋風閣內
酒病愈百觴萬首忙詩筒醉筆生花繁爛漫此硯相
與隨短筇我家王父惟古權杖拾古甃等球琮藉以
錦繡供撫玩手澤斑駁磨青銅我曾懷古心無極硯
田力耕年難逢時出此硯珍席上眾賓舌橋心忡忡
羽陽甘泉辨奇古以此方之將毋同莫歎此物污割
據正要藉物知奸忠

鄭誠齋先生曰通首實賦末二句始結
出正意使全篇骨節俱靈手眼絕高

自題畫扇

茅堂臨水曲踪跡杳然深合沓山千疊交加樹一林
歸雲平石磴遠寺鎖鯨音一徑蒼烟暝無人何處尋

又

幽壑曳歸雲深林藏古寺徑仄不逢人鐘聲在空翠
自題梅為顧乘龍作

寂處懷清友臨風一灑翰枝疎還待月影瘦慣凌寒
底羨羅浮種那誇大庾巒百花頭上占莫笑滯江干

竹林十景

春泥迸筍

蕭森千个湘江竹露葉風梢淨寒綠忽聽一夜動春
雷龍兒崛起紛如簇如簇枝枝爭脫泥渭川千畝盡
妻迷掃門不見東坡老辜負齋中玉版師

秋水躍鱗

穀紋千疊平於掌霜鱗蹶刺擲風響樂哉濠濮正忘
機何必臨淵悔結網秋天如卵秋水長殘荷無艷葉
還香不見澄鮮一色處鷺鷥曬翅滿魚梁

古寺飄香

何從分得月中種天香氤氳暗浮動襲人芳氣滿袖

携白雲斷處紅樓聳樓前有樹勝優曇西風吹去復
吹還秋未無限分香客隔水迢迢誰許堪

徐栗園曰刻劃
飄字獨擅勝場

仁庄喚渡

澄波淼瀾仁庄渡雲日蒼蒼媚烟樹版橋三五欲何
為佇立盈盈問前路前路悠悠泛小槎西風兩岸響
蘆花欸乃一聲隨波去誤驚宿雁起圓沙

斜港青菱

白蘋紅蓼風蕭瑟菱葉菱花淨如拭漁娃十五柳秋

波輕橈笑向蘆間出斜日停橈喚奈何采菱歌繼采
蓮歌中流底事增惆悵雙雙翡翠度前坡

漁舟晚泊

水波蒼蒼柳陰暮遙聽漁人隔烟語歸雀已還竹深
喧酒旗猶裊斜陽樹得魚沽酒板橋邊孤燈一點出
鄰船江湖余樂無人管醉伴閒鷗野鷺眠

井亭對奕

竹溪畧約通仁里古井危亭翼空起清明暇日坐消
憂數着殘棋忘城市棋聲隔牖日西徂滄事過隙馳

白駒全身悅是壺中住借問樵柯爛也無

東隣夜笛

風定天高羣籟寂誰坐榆陰夜吹笛清音一縷隔牆
聞飄揚那禁憂思集更深陡覺月光寒萬里關山欲
度難人間倘有思鄉客淚向梅花落處彈

西牖松風

窓前忽作洪濤吼冷然刺骨寒風透亂髯塵尾何支
離鐵幹霜皮秋雨溜清簾疎簟晝沉沉老翁倚石日
高吟何必琴絲彈夜月涓涓入耳自然音

小樓月影

亂蛩唧唧風箏急
竹梧露重成涓滴
滿園紺碧影搖空
月華皓蕩珠簾濕
捲簾邀月坐中宵
掩映孤燈不自
知
多少樓頭婦
常對清光歎寂寥

立秋前三日喜王益哉妹塔見過



盛夏苦淫雨
煙景如殘秋
今日天氣佳
新霽媚林邱
貧居縱荒僻
頗愛吾廬幽
好鳥轉高枝
嚶嚶似有求
開門掃三徑
予猷過我遊
忘形無爾汝
歎語綢繆
市遠無魚味
聊足充淹留
客問筵前鏡
昨夜花開不

聞絡緯

微物曰時化
先秋不住鳴
悠揚拙苦調
蕭瑟咽商聲
月向深閨白
風從靜夜清
流黃機上女
聞爾一心驚

壬午

春牛

律轉勾芒位
迎春過碧谿
垂楊低拂角
細草軟承蹄
賽鼓兼天振
青旗簇仗齊
土膏萬井動
從此荷耕犁

春雪

陽和初布澤
白雪尚飄揚
六出花爭放
千堆絮欲狂

暖添牆下水殘點草頭霜入地遺堙沒於昭頌樂康

春水

粼粼冰泮後艷艷漲芳塘燕剪輕波滑花沅滿澗香
船疑天上坐魚訝鏡中翔南浦迢遙處何人待野航

春雨

朝來占礎潤黯黯濕雲垂不斷迷歸雁無聲漲小池
入花嬌似沐穿柳亂同絲萬象沾膏澤欣欣欲發時

春晴

小雨喜初霽晴軒愛日暉乍聽乾鵲鬧頓覺敗聲稀

舞蝶粘花墜游絲帶絮飛微和風漸扇白袷製新衣

春草

凝望池塘畔春風幾度吹綠於南浦水碧勝越溪絲
袍袖看疑快裙帶一道垂王孫歸思杳目斷為斑駁

春閨

春到玉蘭房鶯聲促曉妝心如芳草亂日似小年長
嬾拂雛鴉鬢慵添睡鴨香怪他雙燕子故意語雕梁

春樹

一抹斜陽照扶疎綠滿村枝低春雨重葉密鳥聲繁

未夕陰先暗無風影欲翻
搖鞭堤上過烟靄鎖平原
春耕

帝籍躬耕日農家重力田
笠飄千陌雨鋤破一谿烟
婦盪青疇上牛驅綠沼邊
從來膏澤茂何慮不逢年

春酒

忽聽提壺喚親朋
載酒過鱗鱗浮綠蟻
藹藹泛黃鸞
對此不成醉流光奈爾何
春風吹不醒花下日高歌

消夏雜詠

蟬琴

千林濃影碧含烟
蟬吟清聲遠近傳
長嘯頓消三伏暑
高吟踈斷五更天
薰風繞樹鳴焦尾
斜日臨江憶水仙
白歎知音何處是好將
哀怨託無絃

蛙鼓

漁陽何處救聲過
青州池塘引興賒
古渡闌闌迎五馬
黃昏點點報千家
園奴恍惚催花羯
行客如驅記里車
莫笑荒村無樂事
雨餘两部奏喧譁

蚊簫

閒把齊紈引夕飈
渾聽入破滌煩囂
納涼兼有清音

助泥飲能無玉管調一縷驚回爲帳夢數聲淒斷鳳
樓嬌莫嫌水國成雷早常向幽人伴寐寥

螢燈

竹梧露重浩無聲臨水晶熒到五更閃閃不緣風度
滅星星偏向雨餘生懸當書屋頻驚冷點入漁舟分
外明却怪迷途人易困自携燭火破昏盲

蟻陣

何須爾輩鬪切勲亦向堦前聚百羣壁壘陰森鷲鶴
隊風雲變黠虎龍軍排時黯黯燕山雨散處蕭蕭冷

夕曛自古征誅歸一瞬徒勞旗鼓日紛紛

蛛網

萬縷千條自卷舒羅羅織向竹窓虛不將三面圍飛
鳥寧對層淵羨逝魚宛轉絲添新雨後飄搖影掛曉
風初何時網得珠盈斛月到花陰露滴除

蝶粉

池塘草綠影初飄却比何郎色更驕月貌慈揚空比
部雲衣飛舞壓南朝粧臨水鏡風前沒痕入花房夢
裡消任爾滕王傳好手香魂幽豔掩難描

獨廬

行行到處是生涯何必經營與墮基卜宅暫留花下
住擇鄰常向雨中移聊堪容膝無嫌陋且得安居莫
厭卑宇宙自來如逆旅咸陽烟散不勝悲

癸未

是年館於焦山門顧氏求志齋

贈姨夫顧香梧先生

花木陰森護曲欄避喧趨寂得身安曾遺塵事方無
悶日到閒居始覺寬情話綿綿常入夜去風藹藹不
知寒從今晨夕同君教不道人間有二難

結屋臨溪傲野王堦前蘭桂競出芳雨餘水閣琴絃
漫風入書臺翰墨香座列古懽方遠俗人逢知己儼
歸鄉呢喃好似紅襟燕寄跡君家玳瑁梁

求志齋即景次如春翁韻

性拙耽幽壑尋芳許扣扃春回啼鳥滑雨洗古苔青
老洽情偏淡年高德倍馨長吟消永晝一榻入黃寧
酬顧榆村見贈之作

歲月真成過隙駒程九萬路崎嶇難投定遠從戎
筆敢棄終軍出塞繻腰下蒼精寒更吼墻頭綠蟻夜

還呼與君共剪西窓燭直欲中宵擊唾壺

再答香梧先生

織簾舊事愧餘風燈火虛勞十載功
表粲自宜來竹下長房偏許入壺中
經非烏夢改還若劍到鷄鳴舞
尚雄散負親知相望厚幽懷無賴對罨筒

春暮抵家戲為三韻詩

吾廬深住幽篁裡宿雨初收鵲聲喜
濕烟壓樹影欲垂濃綠穿簾倦不起
世態盡如翟公門且理長竿釣
春水

苦雨用榆村韻

江村鎮日掩重扉烟景空濛煖氣微
行路嬾聽泥滑滑書窻愁見雨霏霏
紅埋濕草銷香魄綠染閒階上水衣
入夜瀟瀟妨客睡寒燈歸夢枕邊稀

古詩

淮陰未入漢受辱里少年翁子守困日
負薪歌市前一旦逢知己雷雨升空天
揮劍下齊城真王擁軍權佩印還會稽
錦繡耀江邊丈夫重意氣印壑性所恬
寧為衆人棄毋為衆人憐

漫興

簾幙風薰未自南不關中酒意常酣樹逢午夏千章
碧天入橫塘一片藍寄興詩情閒似鶴貪眠病客嬾
于蠶豈能無意春明似叔夜踈狂七不堪秀巖達君
俱在都中

畫竹

扶疎修竹繞廬生解籜新梢綠蔭清携枕試來窻下
聽枝枝葉葉作秋聲

樵李懷古

暮雨來經通越門蕭條往事忍重論霸圖松刺千金

像佳話空留一爪痕劍石嶙峋埋戰血練塘鳴咽泣
忠魂沼吳甲楯今何在惟有寒鴉陣陣翻

荷葉詩三首和藕潭韻

戲水魚將荇帶牽圓荷搖蕩一溪錢清香不待花爭
發淨綠還同水共沿馮露亂翻沙鳥翼落陰低壓木
蘭船田田盡說江南樂隔浦蓮歌唱暮天
綠烟濃合晚風和搖曳波紋疊綺羅畫舫日斜涼影
轉水亭夜靜雨聲多披裯豈得無高隱對鏡遙憐有
素娥羨爾閒鷗溪畔宿時憑梁柱作巢窩

寧學韓公種瓦盆鳴蛙侵曉不知暄^喧千盤似玉青浮
岼萬蓋如雲綠蔽門宿霧送涼添靜院薰風吹氣上
清樽秋未好把衣裳製夢斷湘江楚客魂

依竹山房集

嘉興沈可培 向齋

甲申是年仍館
求志齋

莘谿十景和益哉

南星春柳

楊枝踈地垂絲絲搖淨綠不于市橋邊濃烟迷遠目

毓秀觀泉

波紋鋪綠綺菰菰清無底誰懷不競心來洗風前耳

八角夏雲

秦駐蒸雲峰蒼茫作霖雨飛梁跨天際恐是虹霓吐
虎溪攜李

徘徊仙李下興亡弔吳越孰如沆紗人爪痕終不滅

太平晨鐘

諸天吼鯨音侵曉破殘夢起視往來人刀錐迹何眾

山菴聞琴

誰鼓焦尾琴留此太古音秋風動濛濛落葉響空林

六如竹徑

精舍遠幽篁經聲亂啼鳥開徑待子猷空翠不可掃

林關漁艇

釣艇狎輕鷗忘機等浮海無魚或有詩隔林聞款乃

生河飛雪

入夜隨風急當窻亂月明圍爐相對坐折竹遠聞聲

停水流冰

水挾斷冰流琤若琅玕響東風一披拂應有銀鱗上

無題四首

却嫌雕飾汙天真曉日芙蓉迥絕塵絲到春蠶銜不

斷心同蕉葉捲難伸細聞鶯語來珠箔嬌恐秋波瀉

錦茵倘遂浣紗溪畔約扁舟早穢五湖濱
如水清光浸綠苔每逢三五日徘徊丁香有結凝還
解荳蔻多情落更開亦恨飛龍歸藥店休將暮雨戀
陽臺空廊響屧經時斷何處相思不是灰
望裡輕雲綠鬢垂家常愛揀麗春枝若教臨小魚應
避想得尋芳蝶自隨豈惜石家珠一斛悔無越客網
千絲章臺柳色今何許那得青青似舊時
桃葉春風渡口船定情還是被情牽玉簫聲斷知樓
隔錦字情深望雁傳倒却蓮心終覺苦破將鸞鏡尚

思圓莫嫌珠淚揮難盡雨落何由再上天

七夕後同家兄雪鴻渡鴛央湖歸里

客舍光陰下坂颿嫩涼徒覺透羅衫五湖秋色千行
柳卅里西風半幅帆遠水倒看孤塔湧斜陽紅愛小
樓銜吾廬修竹應無恙三徑平蕪可待芟

里仁曉渡

熹微前路曙光新喚渡招招向里仁烏尾畢逋翻古
樹鷄聲伊喔送行人曉星暎水明於月宿霧凌波暗
似塵笑語喧閨橋下過輕帆直指五湖濱

秋夜懷同學諸君

藝林三絕本無倫
冰雪聰明自有神
何必蛟龍愁失

水會須雷雨
上秋旻

崑霞

寒雪春風共笑譚
經眼子籍最沉酣
劇憐知己參商

似舊學從誰得
指南

栗園

慘綠風流最少年
江南蓮葉已爭傳
疎簾靜捲晉山為湖

水鎮日高吟對暮烟

蕩潭

風林吟鉢紀追陪
聽竹樓頭教舉杯
一白鶴書催上

道惟餘清夢繞烏淮

秀巖

鐵廡連樞轉百艘
筭緡函井最賢勞
十年而憶秋窓

下細雨疎燈夜讀騷

乘龍

意氣高於百尺樓
却能焯掌費研求
一鞭先著長安

道看遍燕山樹樹秋

達君

夢餘春草繞池塘
幾載傳經駕水傍
想得滿湖烟雨

料收將粉本入奚囊

香萊

聞徐六表弟遊會稽得詩數十章賦此索讀

謝公娛山水清肅
同鸞簫蘓子居海外
硯滴驅波濤

始知江山水窟胸次
增蕭騷瑤圃不羈士
志與烟霞夫

看妹入會稽輕帆剪江淚回首顧西興豁然山色青
翻身探禹穴金簡走雷霆何處雲蘿好身在山陰道
懷古訪蘭亭荒運條秋草勝地恣幽尋逸興發高吟
淋漓揮翰處巖谷增清新予亦耽邱壑曾上丁仙閣
隔岸望越山未縱凌雲屨君詩如霞綺萬象工摹擬
一緘倘我遺卧遊青山裡

八月晦蘭彩堂招集

閒來從坐暢幽歡置酒前除夜欲闌蜻蛚繁音吟砌
下星河移影掛簷端佳辰有信黃花艷泥飲無辭白

露寒更喜江邗鄉味好青菱紫芡復堆盤

秋杪同王益哉登舍弟菊圃遊白墩用香山秋

遊原上韻

地迥四望豁天高萬象清徘徊在原上並坐班荊荆
雲帶疎雨重隼扶秋風輕王郎興不淺幼弟况隨行
開樽斟酌之宿釀有餘馨村童多樂事竹馬相逢迎
千林丹霞抹萬頃黃雲生顧此大有秋紆我憂國情
長嘯蒼清風落葉皆飛鳴歸途日欲晡村舍炊烟青
共探囊中句浩歌誰先成

乙酉 是年仍館
求志齋

孟春同古石雅春兩先生重遊環碧園



名園規半繭不到十年餘何意琴樽暇還尋水竹居
金烏催短晷火傘憶前除 前遊值柿
實初紅 仙侶重陪處幽
懷得整舒

曲沼浮光動層欄倒影長論文追漢晉嘗茗辨旗槍

蘇潤延新綠梅寒洩暗香竹堂遺墨在相顧忽沾裳

壬申癸酉間與王長民先
生相聚聽竹樓承教頗摯

小閣凌虛敞開軒俯綠汀日長簾不捲風定酒初醒

水石浮空碧雲蘿擁益青隅溪幽絕處竹覆沅花亭

亭即雅春
讀書處

果遂濠梁志臨流坐石磯程奴當几卧魚狗拂簷飛

清瀟鸞同遠高設塵共揮日斜濃翠合容與愴忘歸

仄磴盤空上危亭四望通籬疎延夕照竹密憂清風

中市晚猶沸長橋晴似虹更憐蕭寺古鐘磬暮烟中

自笑耽雲卧修篁鎖綠苞雨荒三徑草風捲幾重茅

旅燕窺華屋歸鳥媿故巢幸携冰雪句展案日推敲

時携古石山
房詩集以歸

春草四首和友人韻

池塘回首夢初迷一望暉妍繡綠黃香輦碾開山郭
外金銜嘶斷板橋西風輕袍袖飄常誤露重裙骨拂
更低也自向棠承厚澤寸心雖短不沾泥
隨去離離遍野原東風吹處不勝繁石麟宛轉埋荒
塚銅狄蒼涼閱古村雪霽波分新漲色雨餘燒沒舊
時痕逃名自外江邊老犁破谿田犢有孫
楊柳風前駐碧油踏青士女漫白留六朝鞋履合誰
在三月韶華到處稠綠水魂消南浦上夕陽人遠曲

江頭王孫那禁忘歸去閒對萋萋一寫憂

朱樓復道九衢通冶艷三千鬪漢宮一抹連連悞盛
影四圍濃翠鞠塵風茵鋪軟愛燕絲碧花落繁嫩蜀
錦紅更喜入秋依舊綠何須惆悵歎飛蓬

求志齋牡丹

范露粧成紫玉容開軒曾費酒千鍾一春景到今誰
好三載情於此倍濃日麗珠簾晴自捲風停錦步障
初重數枝已覺繁華甚底羨瑤臺月下逢

題指頭墨菊

研墨淋漓灑晚風芳菲何減采蘿東誰知不藉霜毫
力一指能參造化功

又

魯望千堆並杞泉明三筵儕松何人范露初掇枝枝
傍案猶濃

佳色幽人欲採落英騷客思餐忽覺風生腕底何須
花燦毫端

歲杪贈別如春翁

每羨鹿裘翁古心又古貌風軼逋翁清詩並長康妙

溪颺滌塵襟竹月延清嘯閑來日月長偃仰謝喧鬧
予亦澹蕩人三載資則効往往聞未聞微言提其要
無名業愈勤有過心自照以此困而亨不顧兒童請
近有趨庭懽東裝理歸棹終擬宿高齋重叅漆園奧

留別香梧先生



離心早逐布颿風三載情親轉瞬中晨夕琴樽惟我
共坦平懷抱更誰同雪殘遠岫千堆白木落寒塘萬
象空一棹瑤池烟水濶此身依舊狎鳧翁

丙戌

是年館於金陀坊陳氏含翠居

春夜聽雨同樂園作

時雨灑春城瀟瀟入夜鳴
棋欄寒自戰鼓角濕無聲
且復怡情詒相將撥短檠
故園芳草綠應向夢中生
春寒
禦寒猶愛敝裘重二月江城雪霰逢
何日陽和回萬井好舒麥浪副春農

食鱖膾

久飽田園味枯魚伴黍藜
何未嘉既至且復滿筐携
片片裁雲薄重重切玉齊
肯傳方妙法還欲付山妻

含翠居雜詠

天竹

離離影欲垂丹穗風前弄
應同竹實懸清聲引雛鳳

石

雲根繡蒼苔礪砢多變怪
我六米老顛欲向庭陰拜

繡球

碩碎簇繁英玲瓏攢素萼
時向晚風拋圓影堦前落

紫藤

蒙茸披老幹勢與怪石偶
客來但遠觀怕是蛟龍走

階下一潭水盈虛自有時每逢秋雨漲剪燭話相知

薔薇

濃影暗庭陰烟條自交引深紅復淺紅爛漫披畫錦

蝴蝶花

昔聞蝶戀花今見花成蝶應是一體化雲衣尚飄忽

紫薇

誰謂芳菲質曾無百日紅初逢三伏候閑落過秋風

柗欄

終宵響秋聲對月聳孤影剩餘還復生纏綿心無盡

風箏

空際激天風泠泠自清越何處最相聞虛廊迥寒月

玉簪

逸韻凝幽石高姿澹素秋每憐斜影颭猶似二疏投

山茶

健葉凌犀甲丹英染鶴頭不辭霜雪盛曉艷逼層樓

角里觀燈

瓊樓百尺湧高寒光華萬疊紅雲攢交衢洞達人海

溢神旗賽鼓聲喧闐南州孺子興不淺相與廢書走
市觀市人鬪奇逞豪舉繁花綵繡輝朱欄千層珠樹
勝韓國九枝寶炬堆交官全身悅入燧林道飛蛾銜
燭仙膏燃又如幻作紫府遊金床玉几光爛斑磊磊
千點星歷亂排簷端閃閃萬斛螢照耀凌空山窮探
歷覽恣游盤歸途痛箭驚珊珊龐者野老六未看市
橋憩坐聞長歎頻年早潦秋收歎饑殍日夕誰家完
豈知豪華一夕玩坐廢窮巷千朝餐我謂老人且盡
歡不見風光轉燭如更闌

孟夏天香樓早起有作呈栗園

頻催曉夢情黃鸝常向東窓不住啼睡起兒童爭栗
開雨餘花木壓簷低劇憐子舍雲空白贏得親朋古
與稽晨夕無嫌相過數由來刮目賴金鏡

含翠居納涼同人分韻得厓字

何處淨塵懷梯空上翠厓響清巖乳滴影靜磴雲埋
白石仙踪秘蒼苔虎跡排平生耽習靜擬結小茅齋
疾風壞屋用栗園韻
霖漉已兼旬礎潤猶沮如撐空騰雲峰驟雨如奔注

乖龍嗔狂風鱗而矜突怒城中第連雲結構稱牢固
飛廉與豐隆圯壞常無數時聞崩塌聲閭閻羣鷺顧
目思舊草堂卜築連蔬圃屋老椽瓦踈無風時欲仆
况值此摧成故巢安可護定如杜陵叟茅飛掛江樹
酌酒聊自寬天地尚僑寓屋漏更淋淋已復至天曙
消夏雜詠同限一先韻得菊筵

何妨軒冕脫如蟬野服隨身到處便每側層簷衝雨
過時歌圓影聽流泉故人且下華軒揖瘦骨應從飯
顆憐自愛行踪雙屐伴風流常許畫圖傳

立秋日示竹坡厓青

疎雨洗新秋刮磨出清麗庭樹撼商飈瑟瑟明幽砌
人言秋聲悲我愛秋聲至盃中淨青蠅窓外辭酷吏
新涼向晚多碧月穿簾細年華雖蹉跎舊業堪重肄
燈火漸可親簡編供覩記不藉古人書焉知千古事
况爾富居諸及時勤磨厲踈嬾莫似余後悔恐難逮
竭耒春復秋九趾誰能制

七夕分詠得金梭限拋字

未遇填橋夕靈梭寧整拋冰縑逾五丈雲錦蹴三交

倚壁龍騰甲冑機鳳燦苞額分丁女巧午夜落簷四
和樂園紡織婆之作

誰家素手擢纖纖搖曳通宵類織縑露冷銀牀歌綠
蔓雲移金鏡取踈簾千迴絲斷終懷實五袴謠賒孰
繼廉寄語流黃機上婦慙勤好免大人嫌

八月十六夜天香樓小集以秋月仍圓夜為韻
分得仍字

秋夜聲瑟瑟秋空光凌凌開軒佇凉月城闕冰輪升
屈指期三五賞勇庾樓登竭未秋陰多踈雨晏相仍

每恐太清汗辜負朱欄憑忽訝纖雲捲復見公派騰
光洗蠟鬚炯影激露華澄坐惜良宵逝呼醪醉親朋
縱橫膾鮮鯽磊落堆湖菱綠汎金樽蟻紅燦銅荷燈
座中太邱長高懷皎圓冰清言劈理障妙諦開煩膺
素心共秋月磨洗出觚稜我雖不解飲與劇觥頻稱
層檐轉銀漢疎樹懸玉繩吸盡杯中月漏鼓聲鼉鼉

附分韻得夜字

陳經國 閒齋

衡紀無淹晷佳辰指前夜舉頭見微雲澹白映風
榭相於得素心執手話清暇薄飲有餘歡茶薈雜

春辭半酣不盡罷
立意超熏炙酒闌月更出寒芒
破羣罅金壺清自滴
玉露浩如瀉萬戶寂無聲
天風桂枝亞悠然太古心
凌空欲騰跨雖非高詠才
尚喜清光借圓缺理無端
此景誰論價明朝人事
動回首應嗟訝

感秋分詠同限尤韻
秋雲
自是無心出高空
任去留碧天羅影展
銀浦水聲流
疎雨梧桐夕西風
隴塞秋莫嫌飛不定
明潔迥難儔
和崑臺天香樓晚眺

秋空天宇濶傑閣迥塵寰
清瀟未三鳳
時樂司萬潭俱在望
高文觀一斑停雲閒落翠
小石看成山庭樹寒逾綠
叢深好待刪

去歲西湖畔了仙許
共攀相携仍此日
相對復開顏
寒碧踈簾外秋風古
樹閒素心耽習靜
城市宛深山

紅葉

忽訝丹霞一片攢
更疑火傘樹交官
雲深石逕停車
坐霜落吳江倚棹看
歸伴明隨千里遠
秋容沒襯萬峰寒
行人錯比春花艷
古驛西風夕照殘

落葉

肅肅清霜葉預降隨風消息到吳江欲行誰覓空山
跡非雨時暄靜夜窻古寺僧寒忘甲子洞庭波冷憶
鄉邦秋來早已嗟搖落忍聽哀蟬穩貼腔

自詠

零星菊蕊艷庭幽霜落韓城逼暮秋誰向天池憐貼
耳滂勞泥滓傲龍頭年年旅食慚春菽日日斑衣負
絳幘却笑半生羞自立不操奢願祝甌窶

附和作

陳涵導竹坡

曾從三徑效羊求一卷殘經寄嘯謳荆茂木
聯萼跼竹餘萬个傲王侯晴窻素練風生挽遠水鱸
魚月滿舟此日更令驚汗浹二毛何復感清秋

陳涵錡 厓青

寒花晚節艷仍留攬揆晨開繞絳幘供養烟霞儕
子久沉酣經卷挹浮邱風高鷓鴣寒空健天濶波
濤碧海秋莫謂丰裁丰甫壯老成誰得並經猷

感興

神龍苦行雨上下迤雷雲爪甲豈不困四海遂耕耘

觀彼園中豚寢食適不勤
養彭亨質聊以佐曉膳
雲間五色鳥寥廓振羽翼
喙短悲勞利窮年愁黍稷
不奈饑所驅下爭雞鷩食
邱家金距堅餘粒安可得
汗馬來西極騁目光晶瑩
朝馳騰涇渭夕驅刷幽并
當其困槽樞惶食瘠無聲
誰歎是伯樂仰首一哀鳴

陳開齋先生曰老驥伏櫪一聲同歎

娟娟桃李花紅白誰不悅
有花當春繁有實當夏結
支離澗底松空負歲寒節
莫於歲寒節幹鬣蒙霜雪

冬夜書感

蕭齋日易暮凄戾逼三冬
寒月金院杳清霜鳴於鐘
客衣孤館薄鄉夢五更重
終歲矜多稼辛勤媿老農

寒夜懷楚裳六表弟

人定謝煩囂寒燈燦綠膏
宵長更漏慢巷靜柝聲高
每憶紉蘭者孤燈夜讀騷
經句不相見雲樹望徒勞
擬少陵刈稻了詠懷

野曠未登室聲歡雀到門
真者無晚歲且復慰操豚
水濁溪前碓烟寒郭外村
幸逢征稅簡偃息任乾坤
和栗園晨起示雪鴻作時小至前二日

巖城牢落雪霜侵，佇見新陽改故陰。
夜半雞聲催客起，壯心雄劍紙窗深。

仲冬六日崑臺招同朱寅峰范治堂諸君集浣花亭夜分始歸舟中作

歲暮陰陽短景催，浣花亭畔北銜杯。
風驅寒葉千林瘦，霜倒池蓮一鑑開。
曲顧周郎金縷逸，顏酡中散玉峰頽。
年來懽賞斯遊最，燭跋香殘未忍迴。

遲回煙艇出新坊，小市鐘殘聽渺茫。
靜夜村燈聲似豹，荒塘寒月白於霜。
錦標彩艷慚盧肇，同席周楓宸戴松六季補

博士弟子員皆崑臺及門也

玉樹風清憶謝郎

古石姨夫也表弟見客時甫周醉

此日接離狂欲倒，何時重醉習池傍。

題徐氏表妹遺照

蓬萊山高鏡水深，雲蘿竹箭紛蕭森。
芳魂一去杳不返，千巖萬壑無由尋。
憶昔于歸日，桃花爛漫楊絲密。
春風一棹入西興，羣祝宜家復宜室。
忽見銘旌江上來，幽蘭萎露真堪哀。
况我年來淚枯液，鍾離有妹同蒿萊。
此夕鏡前開素練，學山堂外如相見。
幽貞不改十年心，鹿車勞瘁顏粗變。
顏變圖中魂已迷，驚精香

燼風淒淒老母倚閭望嬌雛繞膝啼吞聲死別歸無
期歸無期情親有語還相貽若向重泉逢吾妹鄉關
路遠煩提携

依竹山房集

丁亥 是年仍館
含翠居

題秋聲圖

嘉興沈可培 向齋

銀雲櫛櫛天如水竹梧籟靜無纖滓蝦鬚影重露珠
濃夜涼瀉入虛窻裏衰燈螢細寒無光髣髴兀坐疑
歐陽梵夾齋裁准短策窮搜集古兼新唐颺颺秋風
動寥泐波濤怒吼鳴金鐵奔騰似有人馬聲蹴踏寒
空天欲裂客耳創聽心骨驚陰蛩啾唧皆哀吟推書

撲筆肌生粟短童縮頭睡初熟長吁不覺更漏促松
影團團落寒玉

上已後一日作

禊事佳晨過春城麗色饒簾垂留客雨老過賣餠蕭
澤國雲千疊鄉心柳萬條來朝放煙艇駕水漲湖橋

高夜啼

城上烏飛入庭樹啞啞呼一呼胆欲裂再呼心煩紆
連聲呼六七驚汗沾衣裾母在牀褥兒更劇恒餓稚
子倒天吳別時情況最慘切高城迴望雲糝胡尋書

欲開氣轉怯逢人怕問平安無五更聽此聲在老吉
云欲占羲文數謝爾微禽勿復呼覓食乾坤漸反哺

吳博如曰字字驚心動
魄天涯遊子不堪卒讀

三月十九日偕崑臺栗園滿潭穉春守愚柳坪
紀亭竹坡樵峰屋青靜觀泛舟南湖登烟雨樓
隨移棹抵龍潭以桃紅復舍宿雨柳綠更帶朝
烟為韻分賦得復字

飛樓控彪湖縹緲疑蜃搆士女嬉光陰屣屐縱騰蹠
倦客滯金院城市嬾互走况復雨連旬尋春阻簷溜

今晨天氣佳招携雜長幼微風送輕橈春波生細皺
石磴盤空升信步無先後迴看萬室低鱗鱗抱城右
雲樹合四圍新綠盡不就遠浦埕如針日光忽明透
興愜遂忘疲茶禪喜重叩其下貯靈淵往往聞鳴吼
山僧營舍利彈壓仰神咒我未欲濯足俯瞰生恂慙
桑青蠶欲齊雉雉麥初秀恐驚乖龍翔縹霧妨農收
羣然解纜歸湖光暝烟覆乘興或重來勝事皆可復

落句借
梅都官

題亡妹可增遺照



悔不燎鬚佐粥餽墓門宿草竟芊芊而今畏見這容
在苦憶雙離索母年

風前咳唾盡珠玑亡妹才真絕世稀不獨諸兄慚柳
絮青綾常解小郎圍

六年世事轉悲辛陟覺霜毛一倍新修出清陰歸不
改夢魂應念倚閨人
森森立竹儘堪誇願付文章阿士家一事九原差可
慰天寒震澤少蘆花

三夏日喜雪鴻至



正有池塘夢相看喜欲狂
養疴師隱豹嗜古任亡羊
小艇書千葉浮生藥一囊
客憲春去也風雨復連牀

陶人



龜手工搏埴垢面駭觀觀
華堂高居人纖指不沾土

西塘

烟柳鎖斜塘輕帆掛夕陽
斷雲漁舍網殘雪市樓墻
鐘磬聞沙渚軒楹枕石梁
麥秋知己過士女快登場

夜入蘆區

斜日下荒原歸鴉獨樹喧
濤聲衣帶冷水氣

人語烟中艇風燈柳外邨
蕭然真泛宅棲泊

周莊

旭日升雲林濃綠疑新沐
菓處雜人禽橋迴連水竹
野店魚鱗齊瑣碎紛攢簇
回頭烟波濶遠帆如一幅

蓮莖蕩

雲淨蒼江落照明小山
一角翠眉橫平林遠渚他年
夢此日營邱畫裡行

渡白蜆湖

萬頃碧琉璃波濤拍岸齊
風高帆影疾水濶樹痕低

命蹇常輕險途窮望指迷遙看沮溺叟沙尾荷鋤犁
晚過吳淞江

烟水三江接輕颺送客艘郵亭長復短斥堠隻還雙
既鑿功思禹逢迎吏似龍長途日已暮魚尾落蓬窓

午日李氏庄

結屋白雲邊幽人日午眠顏恒新雨草遠岵密林烟
綵樓兒童戲青囊奕葉傳刀圭貽上藥為我駐長年

雨後歸舟經千墩作

極浦曉烟凝空濛日未升遙峰寒失影孤塔懸無層

麥隴飛黃蝶蘆汀集小鷺曾推蓬快新霽溝水響之朕

守風薛澱湖

水國足險艱况乃風波惡支流銜具區洪波自迴礪
身乘芥葉舟一前復一却平生破浪心對此轉驚愕
急投遠人村斜繫柳陰泊舟子喜暫閒爾我悲諧謔
向晚風轉適沙塵暗戶壑年來苦飢驅晨昏媿藜藿
坐羨茅簷人婦子欣有託披衣歌天問恫瘝夕陽落

僧塔鎮

雨霽秧針秀村村農事修水田喧吠蛤野艇載耕牛

以此知無逸目之下有秋茫然身世想一鳥掠船頭
嘉善道中

雲木湛華清千家抱水城人閑知歲熟堞圯驗時平
白塔林中影德朱樓郭外明梅花何處墓落日沒烟橫

重過胥山

撐空孤岫何嵯峨一痕翠黛浮烟環中有靈氣盤蛟
鼉孤臣遺跡垂嘉禾憶同程五庭尋春過支笻直上
緣陂院不見檣材橫古墓惟餘劍石如新磨荷鋪亭
荒坐懷古忠誠激越生哀歌曾聞虺蛇宜早芻三屯

于此駐鸛鶴短垣自踰梁盈毀屬鏤一賜空殘

血枯懸東門目白馬怒走西陵波恩讎欲報竟何在

徒目鞭墓流言訛見亭鴟夷一去成千載草深走馬

埋荒坡走馬岡靈山髣髴時在眼六年不到嗟蹉跎

今來弭棹滄浪阿面日重見開心窠雪鴻况抱子函

僻尺碑寸石勞摩挲松下天簫思乞食山巔怪石想

揮戈偶吟越絕一長嘯悲風瑟瑟吹藤蘿

新漲

一月黃梅宿雨雙溪瓜蔓新潮飛鷺飛鳧遠渚垂楊

垂柳平橋

畫閣千家貼水輕
蓑翁葉移橈唱出聲
聲阿子烟波十里漁樵

曾憶瑤池夜雨下牀數天迢迢一幅江深草閣濕烟

濃樹難描

又衡山有江深草閣圖

雜詩

揚子草太元冥心觀無始惓澹五千文精微穿溟滓
方州拓三才圖贊協五紀空貽覆瓿譏誰歟達深旨
劉芬但問奇糟粕徒為爾勿歎知我希後世有易子

館娃宮

姑蘇麋鹿霸圖空別院連雲想像中
花草春含香逕露珠簾晴漾麋廊風黃池早已占盈毀白苧何須怨
女戎一自五湖烟水濶獨留江月照梧宮

范治堂曰神致縹渺作者固善於爭結

五文原

爰漢河山一掌扶傾危長許効馳驅偏安淚濕三分鼎
盡瘁心懸六尺孤星暗燧斜餘故壘雲屯魚復賸空圖
平生未了中原事落日秋風望舊都

銅爵臺

山邱華屋掩塵埃千古銷魂鄴下臺
帳外餘香寒欲燼簾前清吹暮生哀
西陵夜月飛烏鵲玉座春風繡綠苔
妙妓含情空賣履何勞還鎖二喬來

金谷園

絕世繁華一夢過酸腸猶唱懊儂歌
且聽玉笛三更咽未覺鮫珠十斛多
日煖池塘輝錦帳夜寒門巷湧青螺
春花不管齊奴恨猶向新源笑逝波

桃花源

萬疊烟巒絕世譁春蠶秋熟足生涯
一龍不老蒼江馬三尺誰知赤帝蛇
竹色青圍雲外屋花光紅亂日邊霞

當年若共漁郎問底向風塵苦憶家

饒景莊曰與陳獨漉四海自飛鴻鵠羽
中宵人哭白蛇聲同意而句尤奇偉

附 同作

徐寶璠 栗園

洞中雞犬亦疑仙桑竹陰森別有天
治世已非秦日月問名方識晉山川
衣冠俎豆師何代流水桃花不記年
我欲漫尋高士契紅霞一片武陵船

胭脂井

一聲省主學蕭齊榮辱須臾歎井泥那復金釵驕夜
月猶聞玉樹賽黃鸝水枯石甃殘花落露冷銀屏宿
草迷最是無情高相國寒潮流恨滿青溪

徐蕩潭曰不減李君
虞過馬嵬山風調

長生殿

銀浦輕雲學水流
新涼午夜望牽牛
蓬萊柑橘原同
體錦被鴛鴦只並頭
豈料羅衣宣力士
空勞鈿合寄
通幽秋風落盡宮槐葉
一曲霓裳萬古愁

稚春曰結句妙能追溯
從前光景最有遠神

白鹿洞



面目真開萬古餘
天垂洞壑冠匡廬
千尋雪瀑奔無
地九疊雲屏切太虛
化雨潤霑麟去後
高林青入鹿
眠初晦翁遺跡留
巖石嶽麓松陽搃
不如

栗園於就芝軒
盆荷旁移植
朱蓼教本城市
中
令人作江湖想也
綴以小詩

無端秋色滿庭幽
依拂殘荷艷欲流
忽憶水村新漲
後釣絲輕颺白蘋洲

飛蛾同栗園作

秋城寥泬晚涼添
剪燭頻未話短檐銀漢無聲朱戶
靜夜深蝴蝶撲踈簾

讀栗園作獨得觀物微旨復成二首

朝衝柳岬烟暮宿花房露
飛揚氣自雄末爰何足附
蘭膏非不潤福兮禍所伏
香夢何處尋南園艸空綠

閏七夕分體得五絕六首

虛窻風露涼踈樹流雲濕佳期苦
迢遞今夕復何夕
素節添池藕餘英落院桐多情謝馮
相留意向秋風
甲子後頭數相逢得來遭慙勤語
烏鵲兩度言辛

含情前度時轉瞬
指佳節落月忽參橫
真作經年別
去歲咏金梭願分
丁女巧三度乞秋
城性拙仍鳩鳥
客思如秋草紛披
不可芟荒唐銀漢
鵲那及漢塘帆
是日并送
栗園歸家

訪曹種梅

秋風吹客夢忽度城東陌
春波灣復灣中有雲西宅
架插紅碧籤塔壘甲乙石
高人一以靜竹室自虛白
示我六妙法萬象自騰擲
朝爽自西來流雲滿瑤席
兼讀有聲畫古澹更無匹
何當鄙吝消風雨話晨夕

雜詩

秋氣寧不悲耳邊謝喧聒音當一陰初有物起土窟
秉性附支鷲乘氣肆嘈囋有類集墮麓高唱聒木末
北窻午夢迴繁響無由過一夜西風來黃葉階前脫
高林仍參天遺跡去飄忽杳然山水音萬古自清越
初日照池荷流光何灼灼幽芳凝青蓋曉艷散朱萼
涉江人未來早見紅衣落托根本不高蓬梗會飄泊
仰彼秦華峰十丈何秀錯
偕竹坡屋青城西泛艇遂至古蓮菴用昌黎句

溪始泛韻

繫日無長繩寒暄迭性返一夕秋風生秋色連平遠
踈楊籠寒城衰草被長坂汗漫春湖游一縱不可挽
稍見漁樵人孤舟烟際飯慮澹務自閑性靜非尊偃
顧茲物外情自悔圓覺晚世事終浮雲何論碩與蹇
塔影隨流波搖漾送輕舟閑鷗嬾避人驚起復還休
白蘋與紅蓼零亂溪水頭緣源忘遠近適志任去留
偶然值田叟談笑豈無由杭稻熟天風如雲蒸西疇
既償秋作苦兼慰征輪憂頻年嗟旱潦身世如悠悠

其言有感觸懽如水石投今茲足斟酌聊可卜有秋
冷翠繞圓菴中有癯仙跡境靜凡籟空到此塵慮擲
山磬敲寒烟秋雨溜泉石老僧話鄉關勸悟聲感激
勿學雞鷲羣塵世爭處刺形性如孤松高潔邈百尺
清風響梵筵白雲濕蘿薜自媿羈浮名何時謝形役

舟行即景

帆透征鴻影低飛水一灣亂雲蓬口渡紅葉板橋關
客思秋風裡人家落照間更逢山色好倚棹數烟鬟

餘杭道中

舟入茗溪路行行空翠間樵歸村市鬧政簡訟日閒
秋色雲中樹斜陽雨後山平生幾兩屐絕磴快躋攀
螺翠擁週遭嵐光濕布袍石梁成午市谿畔作城濠
水接南湖濶天連九鎖高雲深聞搗藥何處問仙曹

謁陳公祠

迤邐湖堤曲森嚴漢吏祠捍災村叟述死事後人思
濃波峰千點澄鮮水一池晚疑神鬼入風雨滿靈旗
有斐亭晚眺

百尺紅亭聳斗杓四圍濃翠鬱岩堯茗溪雪浪來天

日大滌烟光接洞霄寥泬秋風吹健鶻微茫山雨送
歸樵憑誰約束南湖水常使三農萬頃饒

秀巖曰畫
筆難描

歸舟



昨夜新霜點碧岑白雲紅樹萬重深十千且兌餘杭
酒一路看山出兌林

附蒙泉歸自餘杭得詩數首短章索之

徐寶璠

伯兮採藥仲吟詩共被秋江雁影遲傳到餘杭多

好句滿林紅葉醉霜時

同崑臺至不染山房



霜風萬象清眾樹森似束落葉滿石梁聞雲埋竹屋
中有幽棲人觀妙澹無欲曲逕不可尋經聲出寒綠

黃去非曰峭而
勁是柳州一派

和栗園客夜偶感原韻

牢落天涯有素交水鳧黃鵠問羲文龍門欲燒神魚

尾阿閣誰留彩鳳巢

時館中有鬱攸之厄原
唱云旅人將去又焚巢

雄劍霜

寒聲自吼黑貂裘傲客難拋千秋猶憶綈袍在卧聽

鐘聲隔岬敲

客寔凜冽返寒交初六冰霜驗卦文鄒律難吹深谷
暖越禽常戀故園巢綠蕪烟艇期同遠紅豆山齋肯
漫拋倘憶設詩過靜夜柴門遲我月中敲

朱正甫先生出示寄甯省三汪君潘川見懷之
作和韻呈政

何妨爽酌隱之泉清白心期歷有年山左肅蝗流異
政五湖暇菜繼前賢重賡寶匣瑤琴韻爭識光風霽
月天舊事滂誇門外雪此身真到講筵邊

題從弟松巖讀書秋樹根圖

秋聲無遠近一夕生叢竹颯然冷侵衣坐久肌生粟
仲也善悲秋慘慄感氣肅偶携楚臣辭狂吟成歌哭
羨人隔秋水雲影散空綠芳草何所無而此亂心曲
安得乘雲螭須臾窮若木望舒使先驅飛廉使奔屬
靈璫一少留庶可遂初服長嘯起清風落葉紛可掬

過趙文華墓

并序

孟冬曰有祖塋渡趙墳橋里人曰此因明趙
總督墓而名也余疑奸佞黨惡磨滅不暇豈

能至今且文華雖視師吾未其死在既歸京
師後即歸葬應在慈谿何復來辱此土則其
有無殆不可知豈當平倭時或造壽藏如碧
雲寺之類跡已蕪沒而土人猶傳之耶爰題
二十六韻以墨其故處云

闔豎灰初燼權奸柄復操紀綱罹反覆
蟲賊肆饕餮勢結驢蝨固恩憑骨肉
牢要登三殿職香進百花醪
膝願當階屈悲憐別室號陰柔
僭僕妾狡黠笑猿猴欲進何知實
求羸豈惡蠶不辭松獻壽甘作犬
尸臬

運會民塗炭東南寇驛騷
五軍歸掌握七事信已勞
伺賊來江表祈神望海濤
雪霜輝斧鉞雲日擁旌旄
謀只二三窟心誰諳六韜
漕涇師早敗陶宅士先撓
狐媚無方萬鯨吞到李曹
春農傷鼠食中澤賦鴻鵠
荼毒還過敵人民賤勝毛
遂邀周浦捷欲建凱旋纒
藥注天顏喜樓侵碧漢高
醉忘朝宇禮驕失輔臣豪
肝膽輸明鏡雷霆逐小舸
同時誇巧佞後世惡腥臊
何處留荒塚居人指斷蒿
寒風吹野犢斜日澹東皋
史冊汗難洗忠奸迥莫逃
何如過保定

楊椒
山墓

四海薦

溪毛

朱正甫先生曰斧鉞之誅似張湯磔鼠論

蟬

平蕪久繫故園思何處凄清韻更遲最是江城踈雨
過數行烟柳夕陽時

觀磨鏡和稚春先生作

先生真負局塵滓清磨龔正恃崇朝力能開萬象蒙
雲銷秋月滿天入越川空越有鏡湖縱有光明質難忘沈
濯功

古意



旖旎瓊樹枝莫植北山趾娉婷十五女莫嫁賈人子
終歲逐錢刀來往襄江溪離多會面稀鏡匣封塵滓
身同寒爐灰心學古井水縱得千金歸難買顏如始

皖城懷古



天完殺氣盡冥冥清水塘留義士靈八口忠貞齊赴
井三千羅虎盡通經飛樓蟻集風烟暗孤劍風鳴戰
血腥祠宇每教危素媿簡編常共卞侯青

饒景莊曰余過皖城弔余忠宣公墓有清水一灣
忠骨月秋墳三天古衣冠之句自謂竭鼯鼠之技

矣然讀先生此詩
不覺色沮何也

和友人消寒四聲

賣錫聲

彷彿簫聲度寒窓
聽轉佳冰霜燈下擔
烟月市南街
鏞戶簾櫳捲兒童
笑語諧杏花寒食路
風物憶秦淮

柝聲

萬戶寒更靜
脩閤職掌勞
嚴霜山郭迫
殘月戍樓高
聽此猶清肅
何人敢驛騷
忽思邊外將
刁斗振空濠

時方用
兵緬甸

紡聲

客路寒如此
鄉園信尚遙
誰家勞夜作
白緒韻蕭蕭
晉俳歌云皎皎白緒節節為雙吳音
呼緒為紵故南齊書樂志有白紵歌
隣壁三更火柴
門五袴謹牛衣
猶有伴刀尺
夢令宵

春聲

誰將耕耨力
忽報太平聲
水國艱難後
相聞最有情
吹烟林外碧
鄰火雨中明
只此堪嗚盛
何勞擊壤賡

徐崑臺曰不即不
離繪聲高手

冬杪送栗園歸里

兩載晨昏共五車寺樓鐘鼓成樓苑詩書四壁人千
古鐙火寒城雪萬家覓食旅鴻蹤跡隨依雲老驥道
途賒星河無路君平杳何處升沉問海槎

颯颯寒風冷布袍菰蘆窮士氣偏豪百年故紙蠅頭
出个似蒼冥鳳足高駕渚雲依癡滿塔海門天濶碧
無濤未城南門名澄海却嫌珠樹歸樓後誰共和鳴到九皋

再成截句三首

天涯玉粲賦登樓從古懷鄉欲白頭底事年來忘作
客開簾仍對舊盟鷗

西窓夜雨北窓風賞析爭誇一席同萬頃陂連黃水
度一時分潤到枯蓬

酒冷香殘雨雪辰新詞麗句艷生春明年此日抽帆
客重憶筵前錄別人

依竹山房集

戊子

是年仍館
含翠居

天寶宮詞



嘉興沈可培

向齋

辟暑犀偕玉合歡楊家至寶得應難霓裳一曲清歌
罷宛逐嫦娥到廣寒
春寒簾幙試溫湯羅襪輕盈分外芳無力有情誰得
似玉蓮花下戲鴛鴦
梨花靜院晝凝香
曉清音度羽觴商尚有沈兒錢可

錫何妨玉笛借寧王

雪衣女慧比倫難誦得心經傍畫欄太息草荒鸚鵡
塚不留歸請上皇安

范治堂曰
哀艷之至

阿蠻清唱自新豐婉轉凌波曲未終誰惜纏頭錢一
局臂環金粟更玲瓏

金雞帳暖坐豬龍今古君臣孰與同愛說此中心獨
赤樓開勁政舞春風

馬嵬山下古^梨陰環子羅衣恨轉深此去劍門無恨

路烏啼花落最關心

鴛湖烟雨

水國蒼蒼權歌處春波門外鴛鴦渚百頃風潭夾鏡
明琉璃汗漫堆雲樹樹杪千家抱水城珠簾翠袖爭
鮮新一堤弱柳含烟舞夾听矢桃帶雨傾忽見波心
湧朱閣蜃樓蛟室慚雕錯憑欄十里圖畫間未雨常
看烟漠漠一夕陰雲海上來散絲引素朝不開湖光
黯澹更奇絕空濛似欲無樓臺閒携蓑雨盪蘭槳衝
破寒烟出勝賞龍淵塔影碧無層裴島鐘聲遠自響

塔影鐘聲杳藹尋紅薇白苧同陰陰但向隔湖聞款
乃綠簑青笠無由尋

哭竹坡

清寒應莫比醇雅更誰如死力三年學生涯萬卷書
高城踈雨後孤館晚涼初自此空晨夕言詩孰起予
哭四姑母

憔悴持門四十年代成心力驗華巔終身賫志墳三
尺半世鍾情璧一聯辛苦遺丸霜月夜縱橫殘荻畫
堂前幾回讀遍更生傳從子何人到九泉

秋日偕閒齋先生寓興福寺僧樓

年來相對欲忘形佛日僧房許共經池面竹光圍寺
綠雨餘山色隔城青豈無鴉鵲喧相聒剩有鐘魚靜
可聽豁耳殷雷吹地轉滿江風雨到踈櫺

種梅以秋林覓句小景屬題

秋容澹無際高懷與之俱環中羅萬象理愜意有餘
支策踈林下山空群籟虛葉脫石骨瘦冷翠濕衣裾
景來非力構興到無囊儲我亦烟霞癖對此心相於
遂欲携素琴從子山之隅弹出太古音一洗于與囑

陸震廷以辣柿并詩見寄次韻奉酬
離離踈影掛秋風赤氣冲融面面通
董桂心情輸此老鼎鉉調劑賴渠功
金烏光激潁虬麗瑪瑙監堆火
齋紅不獨新名標彩華桃李永好有誰同

紅菊

莫訝交砂鍊就難顏齡為制渥顏丹
誰言老圃容常茂偏有芳英秀可餐
錦里芙蓉初日艷吳江楓葉曉
霜寒豈知細雨人未處更喜濃姿
飲眼看

丁亥歲杪贈別栗園有明年此日抽帆
客重憶

筵前錄別人之句轉瞬一年今余又將束裝歸
矣四姑母俱與竹坡俱已化去栗園又丁二姑母
之憂親戚彫零不堪追憶感而賦此



饑驅三載倚情親倒履傾筐意倍真
苦憶剪燈餘話夕一時嗚咽淚沾巾
分年經史正程功餘力還追大雅踪
慟哭夫人獨不見夜寒江月照青楓
孤身牢落劫灰殘猶向筵前笑語歡
為問近來憔悴甚五更霜雪倚廬寒

殘年風霜盡歸舟依舊湖光拍棹浮景物不殊人事
換愁心常逐水東流

己丑是年移硯
就芝軒

送銘彝就傅

五男踈紙筆元亮祇自遣少陵苦長貧失學從兒嬾
誘符府中居勗袞武功攢諸公豈無謂尺長寸有短
而我獨何為祖訓餘勝筭稽古自足榮何用慕通顯
國家方太平何用侈鈔竒守身如處女鄉黨薰良
善本根一失所才華盡浮誕六經前事師從此導涯

歎蒙養况初年儀度期無舛輕衫飽春風緩步登高
館硯田足力耕作詩勵勤勉

謁范少伯祠

應是良金寫不訛飄然遺像鎮金陀輕舟夜月思蝦
菜靜巷春風憶苧蘿求笠君勞三策美藏弓友羨五
湖波臨洲悵斷千絲細懷古無心問彩螺

馬券歌用東坡先生石鼓歌韻

獻歲發春當己丑攜李城南逢陸叟震廷探梅邀我
倦圃行尋碑還向荒祠走蒼傳馬券寄堂隍石鼓同

珍噴人口泥苔剔蘇三摩抄指畫心追惟恐後想其
縱橫落筆初氣蒸雲夢通八九細筋勁爰天骨張馳
驅大令奪顏柳斑斕魚尾散雲霞磊落珠光皎星斗
寒芒轉駭逼視難拂拭誰敢加臂肘當年蘇公試士
時欲歛糠粃洗狼莠誰知龍馬不就閑咫尺繩才失
良友敝裘歸來李方叔百結衿裾類鶉教黃金臺圯
怨驂騶白藤笈空賸蚪蚪曰思天廐玉鼻驂本是朝
家寵壽者騎來玉局散五花隅目晶瑩隨拍嗾據鞍
焜耀勝鞶帶天錫光榮等圭卣一朝券約贈故人與

共不煩諷矇瞶穎濱山谷歌跋存大書深刻齊响嵯
風物流傳幾代遙交道猶思古人厚惜哉神物有顯
晦甲乙不復記誰某雙玉忽同張伯竊鴻寶竟使他
人有安得會合終有時守祧庶可免鞭杻石墨或遇
子函鑄補苴不致貂續狗大厦深簷謹蓋藏直令勝
蹟前無偶竒文蹠躑齊後先古筆騰驤排尾首昌黎
每恐牛礪角似此庶遠織兒搭更懼精英天欲妬六
丁六甲下來取反蒼狗天官私作玉樓珍萬古不落塵
寰垢私心獨抱杞人憂神力欲仗靈威守永陋雞鳴

鄙舞蛟

雞鳴舞蛟皆石也見府縣志

盛事金陀垂不朽

陸宣公祠在金陀坊

馬券石

吁嗟乎古來同心比金石

此石更比南山壽

存焉

家帶湖曰七言古一韻到底天骨開張半神絕世應是竹垞翁化身

蘇公馬券帖並穎濱詩山谷跋共四石是時已失

去二石故詩中望其會合有時也越五年乾隆甲午嶺南梁公來宰吾邑搜得復完乃運

嵌流虹亭壁間

今無恙男銘彛謹識

謁陸宣公祠

洋洋詞翰絕三唐
俎豆春秋重故鄉
帝擲千金思內

相臣清九弊
重朝綱
軍民泣下山東
詔藥石言留百

世方太息行人憐
實傳施行猶得遇明王
王元美云賈生用而

不相陸贊相而不用

謹武 家大人酒後漫興原韻

隻雞近局酒杯寬
幼穉爭承膝下歡
宅外桑麻門外

柳等閒人作隱君看

午日聞族兄蔗如訃

頓覺風流盡
驚呼淚滿裳
五絲悲莫續
六鑿苦相攘

雁陣頻看斷
季抒先卒 根豈代僵
蔗如妾已 感時空角

黍莖予情巫陽

四眼硯歌

吾聞端州分野直星紀雲漢之精萃巖底扶輿磅礪
石骨竒瓊瑤縱貫紛難比就中水巖尤絕倫青花隱
見黃龍紋瓜瓠火捺蕉葉白清眸炯炯秋波澄黃岡
邨民膏玉斧盤燈遠入蛟龍戶如蟻緣垓轉西東魑
魅叫嘯山靈怒割得一片雲水精良工力竭錢刀傾
治平以來開鑿者無多至寶殘羣生而况匹夫畏懷
璧何由覩此前朝珍春風放棹雲霧路覩淋漓灑
縑素故人知我惟古歡太璞相貽謝殘蠹程君庭色
如羊肝肌如綿觸手湛湛生流泉拒墨損筆兩無嫌

竹窻晝靜生清妍只恐日光偶穿漏水精欲化成雲
烟年深豈免有剝蝕不雕不琢形神全嗟我踈頑甘
守困斫田耕鑿漸犁鈍得君相見眼常青知己於今
真不恨從此摩挲向座隅殘經著錄窮朝晡不貪為
寶誠良謨投峽却怪包公迂君不見海岳袖石成石
癖千古猶傳拜石圖

謝穉春叔墨

王洽騁雄俊驅墨如銖塵倪迂使渴筆惜墨逾兼金
筆墨兩魚者摩詰以後北苑起羣倫賤子好詩復好

畫書牆浣壁常遭噴易水既遠奚超杳麥光誰使增
鮮新吾家叔不癡愛古等球深一九忽我惠玉骨騰
犀紋得非釋迦髓無乃浮提心池中未躍青童子早
覺蓮幕生清芬安得驅除形役坐高閣日日供養資
烟雲寧使我磨墨無令墨磨人

淡巴菰

誰傳異種來殊域非穀非蔬非藥物有名未許神農
知有狀未許嵇含識軼羣臭味何差池能以清氣資
服食園丁栽灌等桑麻葉葉相當綴高節秋來斜日

照山莊早見晴烟落黃葉按絲團金相載勞小剉紛
紛飛絳雪配以湘筠製誰似鄭憲碧筒巧相敵盪穢
無煩荀令香辟寒不藉鄒生律但令嚼火試吹噓香
篆網溫裊簾隙名流爭品日鑄茶風壚活火鎗旗別
豈知地緯標金絲好並龍團兩奇絕清辭續和淡巴
菰添與羣芳譜嘉植

庚寅

是年仍館就芝
軒詩稿失傳

辛卯

是秋領鄉薦
詩稿失傳

壬辰

是年捷南宮
知縣選江西上高

欽點即用
知縣

無錫

塔影層層峙碧天錫山青與惠山連到來一事差堪
惜未試人間第二泉

京口驛

北向人隨旅雁回潤州殘雪尚成堆春風未綠江干
柳晴日先開驛路梅狼石嶙峋甘露寺佛燈明滅妙
高臺浮名莫絆登臨屐玉局當年十往來

梅春曰卷中七律諸作
都近鳳州漁洋體裁

渡江

一碧浩無垠中流欸乃聞人行江北路心望浙西雲
寸草春暉滿長空雁影分平生湖海志到此愴離羣

望金山

欲攜鐵杖欵禪關百丈丹梯迥莫攀金碧樓臺雙李
畫虛明彩翠六鼇山槍旗未試中泠水冰雪遲瞻海
岳顏舟到蕪城還騁目迴翔好羨白鷗閒

渝溝

大河北渡向渝溝茅屋繩床且暫留四壁風沙驚客
夢五更雪霰犯貂裘堆堆斥埃車前立兀兀長堤樹

杪浮羸得親朋樂情話不知身已離揚州

沂河曉渡

沂水之源出艾山鱗鱗風動綠生瀾却嫌此地無烏
鵲猶使人歌行路難

滕縣

平疇曠望少窪庠邑號猶從叔繡遺一路山光隨蓋
影萬行柳線映鞭絲風沙竟日春回晚旱潦頻年麥
秀遲茲土由來謹民事好修經畷惠瘡痍

趙北口



澄波萬頃漾東風十二紅橋面面通不道江南好風
景一時收貯淀河中

再捷南宮



不官不第悵安窮矮屋燈寒廿載風淡墨一行標雁
塢此行差慰白頭翁

陳青柯曰至性流出
淡而彌肯樸而彌腴

病起



寄跡燕臺半載寬秋風蕭瑟到長安日懸
北闕清光麗木落西山瘦影寒旅鴈無情稽遠信客

憲多病悔未官幾人撫字勤耕作五袴謠成萬井歡
食菱懷駕為湖

竹揜繩圍百頃鏡採菱女伴笑相邀生涯好共烟波
潤片片輕鷗狎短橈

南湖圓角北湖尖却遜南湖味更甜猶憶堆盤佐情
話夜深涼月照疎簾

竹坡妙筆擅英年吟社菱歌句句妍何處日斜爭喚
買綠楊絲外小橋邊

扣門隨馬張騎驢山海珍饈味自殊不獨南烹嗟久

無多鄉味等鱸鱸

題張寄舟上舍溪陰消暑圖

溽暑苦薰蒸兀坐如深甑瞥見消暑圖頓覺炎鷲淨

喜心百疾愈似鳥翼初振時予中暑
卧病初起寄舟烟霞人筆

妙仇唐競對君難出手北宗廓門徑忽於軟塵中繪

景示本性蟬噪綠陰深荷香晚風定搖葦生微涼酷

吏不敢問一朝動歸思攬袂教不應羈客羨歸舟况

憶鄉園勝時寄舟
將南歸

聞弟可塔補博士弟子員

春草池塘午夢幽風標真與惠連儔瑤琴韻逸聞山
水寶劍光寒上斗牛文史三冬功豈足鯤鵬萬里力
何道遙知彩服趨庭處課讀初成慰白頭

出宰上高

宴賞頻將異數叨

四月二十六日
宴於禮部堂二十八日

賜

恩榮
賞彩

足綴二 觚稜回首別金黿銅章耀日紆青綬彩蟒穿雲

上錦袍純是夢中

珠殿麗真如天上玉堂高何緣得似王喬履還向都
門走幾遭

車中口號

預給匪頒三百困而今孺子豈長貧燕南楚北三千
里載得

恩光滿畫輪

一年兩度觀

天顏五月十八日引見於乾清宮奉旨以

一月知縣即用十月二十五日籤掣江西上高縣十

命見於養心殿中

恩躋鸞鷲班從此高堂應倍豫爭如童彩舞斑斕

趙北口

農閒此習水營兵 行殿崔嵬耀日明
屏息微臣堤外過 恍陪鷓序玉階行

和賈公桓同年詠商林道中霜樹

經霜老樹本奇材 變幻霜花際曉開
境是蕊珠宮裡見人疑香雪海中來
每看玉艷垂垂發且喜郵籤緩緩催
共道寒暄協時令陰陽調燮賴鹽梅

汶上

汶上寒冰凍未消 路長人困馬蹄驕
游踪倘入香閣

夢雪滿征裘過草橋

鄒縣謁孟子廟

髫齡解誦七篇文 下馬欽瞻日未曛
湧地寒泉甘比

蜜康熙十一年天參天古柏密於雲 驩倉枉肆無稽

口堯舜常懷有道君 統紹尼山功並禹 荀楊擾擾總

雞羣

重過滕縣

輕舟兩度繞城闈 每向嚴冬憶早春
不見當年舊花樹 惟餘殘雪白於銀

賈肅軒曰翻用花開色似銀句敏妙

駱馬湖

北來霜雪苦凌競駱馬湖頭始泮冰隴麥苗青柳絲

軟江南風景到田塍

渡河

侵曉向河干河流萬頃寬日暄開宿霧風定靜狂瀾

滄景湮遺跡

九河故道在滄景二三百里間自河南徙跡俱湮沒江淮接逝湍

身意自輕安

今濁河與淮合流實占淮道由河南通乘槎天上坐

萬里湯湯勢元工接混茫蓬瀛仙島遠星宿海源長

明德懷神禹恬波仰

聖王正逢清晏日朝旭燦榮光

露筋祠次韻

曾經海岳誌神欽讀罷遺碑手自臨

祠壁有米元章題辭石刻神采

飛忍使雷蚊銷骨肉頓教邗婦識人禽秦郵城堞低

連岍麓社湖雲曉作陰此去正思廣風教好携釀酒

弔水心

附原作

賈朝琮公桓

芳躅流傳夙所欽
兩經始得遂登臨
日斜估舶傾椒酒
風定靈旗集翠禽
一夜堅貞留白骨
千年祠宇覆清陰
祇今甍社湖頭水
猶照當時冰玉心

登金山步蘇長公韻

平生意氣驚僚案
每愛高邱望遠海
今來弭節向瓜洲
中流宛有蓬瀛在
宏農古墓臨坡陀
鯨魚跋舞揚濤波
北固山寒飛鳥亂
海門東下蒲帆多
打頭風阻西行楫
江神賜我遊觀日
孤塔層層挿漢青
飛欄面面殘霞赤
操江樓在玉帶橋北
聖駕南巡觀水軍處

海道魚風蕩魂魄
昔年

聖人此觀兵
鵝鶴飛騰陣雲黑
操縱有法紀律明
掀翻窟宅蛟龍驚
神武天授衆莫識
永使遐方獻方物
漢唐割據誇江山
自矜天塹真愚頑
古懷翫骸不能已
瑣屑安問中泠水

黃去非曰議論

作結老杜家法
歐陽蘭畦先生曰
九天之雲下垂四
海之水皆立高情
壯采蔚然巨觀

登金山寺塔絕頂

盤空不惜欲休三
六幕遙天望蔚藍
斜日莫催歸棹

速白雲子舍在東南

曹竹虛先生曰眷戀庭闈心不遑安時時流露孝子行役固與熱中者迥庭也

瓜洲晚眺

瓜步江空畫不如
浴鳧飛鷺漾晴虛
樓船實到三山外
名勝猶聞六代餘
明滅雪峰來北固
微茫烟樹入南徐
狂歌驚起潛蛟舞
落日飛濤雪滿裾

除夕

少時微逐快年華
歲月誰知赴壑蛇
兔籠魚盤村外饋
林鴉樞馬夜深譁
竭來奔走微沾祿
漫向江淮苦

憶家張觸鄰船蕭鼓鬧也沽春酒醉烏紗

穉春曰如讀少
陵曲江諸七律

汲者杯中月 汲疑吸字

何期撥棹過茅墀 墀字恐落字

江湖余樂與人管

駱馬湖凌競 當作競

鷺鷥當作鷺鷥益得
鳥鬼又

依竹山房集

嘉興 沈可培 向齋

癸巳 是年抵任上高

蕪湖人日

去歲逢茲日山妻作意歡椿萱迎永晝蘭玉映雕欄
剪勝紅堆髻調辛綠浸盤宦遊江浦上孤影照江寒

繁昌舊縣

無復江城北人家水石間鷗羣嬉碧浪雁陣破烟鬟
古塔層巖數新松鬣未刪江行已十日對此一開顏

燕子磯

挂席至金陵江波湧翠阜山根揀虛無絕壁千丈陡
其上構紅亭翼空勢無偶其下崖窵深寒罾出漁叟
猴飛隨機轉幻景勞回首遙望觀音門跨嶺如甕口
古寺有宏濟松竹間檉柳飛樓倚懸厓牢固仗鎖鈕
早聞燕子磯指點憑良友下編遊諸勝能歷言之我
行限水程幽尋俟今後拂雲恐飛去欲倩山靈守

饒景莊曰回顧燕子磯點睛欲飛

過坂磯

四鎮成猿鶴黃公信獨賢帆檣臨此地壁壘想當年
腐木難為柱駕駘詎着鞭春燈和燕子流恨滿江邊

和彌軒立春日長山汎守風

習習江風暖來吹白袷衣禽聲知節換柳色驗春歸
春枕洪濤急還家午夢稀晚霞魚尾赤携酒上苔磯
素志風前壯朱顏醉後醜山城侵夜角商女隔江歌
勝事年年在韶光冉冉過幸逢黃叔度萬頃漾澄波

食鱒鯉

我家東海隅海味甘久住比目羊膺全海鏡互吞吐

惟有鱣鯉魚耳聞目未寓今來揚子江川禽出寒江
阿段入市回發籠短童怖長喙霜劍橫修鱗赤甲護
紛綸碎鸞刀未熟指先赴似玉光侵盃如酥滑流箸
因之笑遠游翻得珍味飲填塹子建嘲飽食還自悟
犧雞緣尾烹江瑤司柱捕象齒典駝峰炫美遭物妬
何如逍遙遊永辭匠石顧

銅陵觀龍燈歌

山城鼉鼓聲逢逢隔江飛出雙赤龍驚電照山山鬼
避流虹射江江波紅是時寒月光朦朧何人鞭墊開

龍宮野人笑報佳節逢春燈初試嬉年豐百日之勞
一日澤歌舞白叟奔黃童憶昔燈舫西湖中六橋面
面穿玲瓏復觀燈市由拳東珠星舞月搖雙瞳出門
兩載復遇此倦眸披豁開心胸鎖屢項掣聲摩空老
龍劈起爭雌雄乘雲沛澤惠三農祈年報賽惟我庸
迎貓迎虎各有主植麟乃敢貪天功偶曰游戲觸怪
物怒濤三日噓長風

曹竹虛先生曰結語雙管
齊下是加倍烘託之法

江行

江行任風濤人力全不恃苟揚順風帆瞬息忽千里
借遭打頭風魚尾繫沙尾狂靈動地來高浪駕天起
鐵鹿挽不留石碇鎮不住若欲強其怒無論五丁士
我行大江中日日風濤裡逆固不足憂順亦安足喜
我順則人逆各隨天所使不獨江行然天下皆如是

曹竹虛先生

曰見道語

雨中晚江蚤發

料峭東風送客橈推篷恰值嫩寒朝濕雲欲雨低垂
脚臥柳知春綠上條城郭空濛籠宿靄汀洲傾洞漲

新潮忠宣祠宇臨清水嗚咽濤聲恨未消

黃石磯懷古

危峰羅立勢參差俯瞰澄波曉鏡涵愛煞春江新雨
後青松翠竹叢圓庵

識語休驚王失機葛藟忘本計全非婦言自古稱難
聽獨有亭藩憶故妃
姚江學術類枯禪流入龍溪派更偏保障東南偉烈
在休將遺論藐前賢

東流道中

江城真似畫春雨况如膏白塔城隅小青山雨後高
濕烟風不散墮岸屋偏窄沙際收帆處漁樵晚市鷺

彭澤寫懷即次靖節詠二疏原韻

帆隨彭蠡雁翩翩翦江去緬懷陶靖節豈耽酒中趣
世運屬艱難超然此高舉地笑鸞鳩捨天許鳳皇傳
遺世忽掛冠來問征夫路近局益以親浮名迹勿顧
我本竹林人蚤歲絕名譽夜鐙詩書勤曉露稼穡務
一朝從簪纓畏染寶絲素思君孤潔踪起我圓覺悟
撫字陽城勞爪膚柳州慮巍巍高士傳遲我他年著

附
同作

賈朝琮

田園將就荒飄然拂衣去五斗非所懷但恐失天
趣投簪謝督郵颺若冥鴻舉我經柴桑村齧齏初
就傳讀君歸來詞重訪征夫路松菊香無存欲覓
勞屢顧翳彼慕羶者周容競時譽櫻情在好爵外
此一不務有如絲既染詎得全吾素先生義皇人
昨非今頓悟跛脚北窓涼伴我空塵慮耰鋤亦經
綸奚必青史著

讀嘯軒彭澤寫懷曠然有高世之志僕媿未能

也復賦三截句

孤城雉堞依山轉
比屋魚鱗夕照開
一自先生曾挂
笏家家踈柳傍
門栽

征南建節控荆襄
運甓家風豈暫忘
五馬未逢江外
度不教歸卧北窗涼

鴈叫潯陽正落潮
宦遊方惜故鄉遙
饑驅南北君休
笑五斗從來媿折膏

望石鐘山不得登

萬竅碧玲瓏
春容響晚風
江心聞遠籟
巖腹想純空

詎藉霜鯨動
誰煩鳧稟功
捫蘿討幽秘
高興媿髯公

泊舟湖口

真來山水窟
中行十幅蒲
帆一葉輕
五老鬚眉雲外
秀雙姑鬢髻鏡中明
雁聯彭蠡高位陣
潮送潯陽日夜聲
自有天然圖畫在
何勞粉本學關荆

彭蠡聞雁

嘹唳清聲往復回
月明寒影寫蒼苔
不辭靜夜推篷
看恐自駕鶩渚畔來

蓮橋許真君廟

昔作旌陽令今為望蔡神遺恩留聖井古廟徧明禋
錦水流何遠銅釘蹟尚新靈峯山側有銅釘嶺相傳許旌陽以銅釘釘蛟於此
巫蕭共蠻管伏臘走邨民

初秋宿慈光寺

往來石獅嶺古寺晚鐘鳴暑退涼猶嫩心安境愈清
入簾新月影接竹細泉聲欲覓慈光洞雲深不可尋

附和作

黃克顯去非

公餘留古寺把筆當鳴琴一到新涼起重來舊案

清

石獅嶺為上高今宜交界黃鍾二姓歷構訟焉公兩次履勘而界遂定

麟懸堪繪

影虎伏不聞聲訪得慈光洞長深懷古情

筠陽大觀樓

錦江激灩照層樓振榮登臨最上頭隔岫遙山螺作
髻低簷新月玉成鈎喧闐錢貝城南北府有南城北城歷亂
帆檣客去留珍重十賢吟賞地攬輝常許鳳皇遊

上高竹枝詞四十首

凌雲鳧影辭

金闕繞縣花光到錦江政簡訟閒還問俗楚歌水調
聽新腔

春風吹暖試燈天齊上琴堂笑語偏袖得棗糕還徒

倚綠陰亭北息軒前教陽風俗歲初婦女進各衙遊

亭在簿廳後圃
息軒在縣治內

盧家少婦慣嬌羞梳得鹽溪別樣頭欲競新粧何處

照踏歌先向鏡山遊縣東有鏡山下有
鏡溪清泚可鑑

久識刀圭好駐顏劍池丹竈碧雲間落花滿徑無人

掃真訣何從問九還教嶺在縣東三里教真人得
道之所上有磨劍石煉丹竈

月臨三五放官衙處處龍燈競歲華一簇更聞腰鼓

鬧墓田小妓唱楊花縣東墓田人
多習梨園

桑棗園蕪織作虛前朝遺蹟近何如關心水部勤民

事傳得蠶桑必讀書據舊志上高有桑棗園四十一
處今皆莫考邑人黃水部去非

輯桑蠶成法一書又
校刊前上高
令趙世錫蠶桑必讀一書行世

石虬古渡李山人筆墨流傳漸失真惟有窮官耽嗜

癖篋中行卷賞心頻李山人名堅號雙江上高石虬
渡人壬辰春余於京師小市上

得山人山水小幅筆墨
疎秀心竊愛之編詢賞鑒家
均未之知茲閱縣志乃知
山人果碩隱也平生遇合
有定詩以自幸

袁州更漏瑞州春物候能知氣候新一樣茆岡龍洞

水蚤潮晚沙更如神袁州鼓樓有古銅壺應候能鳴
瑞州碧落山有春洞以烏羽納

洞中立春日自能飛出見袁瑞二郡志上高
苑岡龍王洞有泉流出早晚黃濁與潮相應

宛轉金沙湧大泉夕陽流影自澄鮮
濫觴莫笑涓涓

水留潤黃邨萬頃田大泉在普潤泉北有三泉眼
從底湧出五色砂隨泉下上

踏草行行錦水瀟蒙山高並末山
竒天空雲淨斜陽

外好是文君兩人眉

左家嬌女鬪濃粧遙識娉婷住
瀚塘穀雨前頭寒食

後賣飭聲裡杏花香瀚塘左
姓世居

一束旃檀禮佛虔相携聖濟扣禪關
願郎莫似無根

石與妾長依夜合山聖濟寺在善塘村蒙山上有無
根石四面如空藍水溝東有夜

合山兩山壁立嵌空

玲瓏傳聞晝合夜開穉春曰劉禮部浪淘
沙竹枝詞之遺響

雨後紅桃爛漫開遊人疑是武陵來
元龍遺墨今何在

在片片飛花點綠苔大王嶺南有桃源山幸元龍
題小桃源三字今亦蕪沒

紐源煙柳舞晴絲草軟花香日正遲
忽聽鯨音雲外

轉滄岡僧飯午鐘時滄岡法忍
寺在礪邨

三獅吞吐浪花開馬象休誇灑瀨堆
漫放月沙洲畔

棹昨宵春漲響奔雷三獅石在縣南二十里石下
為三獅潭月沙洲在其上游

滄浪所云羚羊掛角無迹可求此詩似之歐陽蘆畦先生曰司空表聖所云味外味嚴

東陂風信到梅條影落故塘凍欲消一夜春泉流不

盡看飛香雪過蓮橋東陂菴即天竺庵距菴二十步為蚊塘合流至蓮橋

小溪一派馮烟鬟邱浪仇湖響玦環竹樹千重雲萬

疊路深何處問香山永平園有小溪出浮樓嶺流為仇湖邱郎陂古名邱浪香山寺

在嶺之東麓

祇園紺碧映蒙堂舊宛南平異姓王愛煞香爐峯下

橋離離猶帶洞庭香末山九峯寺乃唐南平王鍾傳故宅傳領江西日客有以射覆

之法求見傳以歷日包橋令射容曰太歲當頭坐諸神不敢當其中有一物猶帶洞庭香蒙堂即九峯寺

舍中精

畫戟雕戈擁義師一朝擊鼓靖仙芝僧離指點觀遺

像寧似當年搏虎時鍾傳上壽白土人以負販為業時王仙芝猖狂眾推傳為長討

卒之傳少時夜獵醉歸夜遇虎與搏會人殺虎得免既貴悔之乃畫搏虎圖以示子孫曰處世尚智謀勿效吾搏虎陷危也今

九峯寺尚有傳遺像

仙姑洲外柳飛綿菴畫溪山鎖綠烟隔岸吹歸牛背

笛夕陽初下鳳山巔仙洲牧唱鳳山晚照乃仙洲八景之二

雙橋飛跨飲江虹四向朱欄映碧空却笑黃姑星渚

鵲一年頭得幾回童錦江中有二浮橋曰躍錦曰青陽

水圍界埠石嵯峨樓閣家家俯逝波最是趁墟人散

後一奩新鏡漾青螺

傅橋西上路參覃百丈層崖萬丈潭底事行人還駐

馬白雲堆裡九龍庵界埠路奇險上逼懸崖下臨無地所謂線路猿猴爭也癸巳秋

余捐俸刻平之今轉為康莊矣九龍庵在其南

巖間空翠濕人衣滢確圓光石徑微清磬一聲烟欲

暝打包僧帶夕陽歸圓光寺在感仁鄉

射工能射黿能驅奇毒羣知世莫如更有毒名標望

蔡縣衙靈吏武泉魚縣北武泉有頰鯉食之能殺人

山近浮樓足水泉避喧每愛小亭偏夜涼風定香何

遠開遍林塘並蒂蓮浮樓嶺在斗門林塘方廣八十四畝宋紹興間產雙頭蓮

烟鎖楊林曉未開紫山看火去還來劇憐此地蠶桑

少枉費珍禽苦口催楊林寺在縣南七里

石龍崩崩起層樓長夏陰森颯似秋鼓吹若教添兩

部便疑身到廣寒遊石龍洞在縣南五里上有石樓

不雨兼旬便鬱蒸上游形勝苦峻嶒奇文能使甘霖

應更有何人似伯興上高在高安上游夏月十日不雨民便憂旱嘉靖時邑人吳伯

興作祈雨文禱於城隍神甘霖大霽

相見灣頭雲樹連不論旱潦總豐年勸郎莫愛金銀

嶺多買湖源教項田

邑地高若旱惟湖源沮洳不竭
早亦倍收相見灣在湖源北金

銀嶺在
縣西南

章江秋老淨寒烟淡入秋容劇可憐何處媽紅偏似

錦芙蓉花放密邨前

密邨有義塘利
塘俱環植芙蓉

遊釣人猶說音賢雪泥鴻爪自翩翩重陽誰載松湖

酒漉向清溪醉石邊

靖節幼居宜豐後遷柴桑故其
墓在義釣上鄉舊隸上高宋太

平興國三年割義釣鄉入新
昌醉石在邑北境清水橋下

凌江櫛比小船排載紙來從天寶街土物休嗤麤俗

甚曾隨京使過臨淮

天寶
紙

泉到斜陂萬斛重熊家坊口響瑋琮白沙翠竹橫橋

畔野碓無人水自春

末山泉出均陂合蒙
山諸水灌田至斜陂

端午龍舟歲歲划北城南市競喧譁誰家年少狂蜂

似碧玉樓頭正破瓜

遶屋清溪一道斜數聲雞犬認梅沙秋來雪霰鷺何

早處處山田蕎麥花

春雨如膏遍草萊勸農時屋使君懷青旂隊隊傳呼

近竹馬歡迎五馬坊

北城有
五馬坊

蒙山出寶語全虛十七銀坑苦役胥欲問前朝言利

始遺民猶指慶元初誘云未山出草蒙山出寶宋慶元中始有開礦議元至元中分

宜新喻工高共開礦十七處民甚苦之

麴塵風起水生鱗樟樹陰濃萬古春波底潛蛟寒未

起一潭新漲綠憐人樟樹潭在金石書院東下有潛龍隱現

吹烟百縷颺麻塘山市漁樵閑夕陽久識太平真有

象西郊草沒贍軍倉

甲午是年秋告病

暮春重宿慈光寺疊前韻

層疊看螺翠瑋琮聽玉鳴虎心依佛善詩骨到禪清

僧必契以過楊古寺詩呈閱頗清脫茶榻辭塵夢風飄靜舊聲中宵慚

涼德猶有逞無情時往烏獅四緝拏王其知

曉發江邊再示必契

濃樹濕烟橫山山春鳥鳴事緣為吏廢泉是在山清

一指真堪悟三乘寧尚聲過橋勞遠送相對豈無情

顧戀石晚眺

渡口晴光散積氣危磯登眺日初曛錦江水挾龍江

水蒙岫雲連未岫雲沙烏風帆烟際沒酒旗山郭望

中分蒼然暝色催歸騎六口樵歌隔岍聞

送高安大令黃文心庵歸閩

不矜雕飾迺時名九載筠陽吏隱情下考陽城甘政
拙去官蘇軾羨身輕於今江口携琴鶴從此天涯少
弟兄也擬從君賦歸去爲湖還有舊鷗盟

瀚塘即事

紅稀綠暗又經時嬌女提壺盡餉蓄忽聽聲聲春去
了春去了初教人無那隙駒馳

夏鳥鳴云重午雨中自禾山回署

不辨禾山影空濛曙色昏亂雲翳白土飛雨灑黃村

萬頃禾苗秀千家笑語溫到江逢競渡新漲浸城根

七月初二日引疾寓黃員外別墅

閒園恰稱養疴情花弄餘香鳥弄聲曉夢穩時衙鼓
遠夜涼深處葛衣輕未能臥治如長孺且擬閒居學
向平百尺高梧枯未盡春來依舊午陰清

越溪女

越溪有好女皎若新芙蓉繡看駕央豔織成錦綺舒
十年寧不字有躬鄙金夫空谷閑芳蕙澄淵懷明珠
一朝不自掩作合天恩殊爲我六銖佩送我七香車

不辭千里遠來此江之隅洗手奉甘旨低顏事舅姑
自謂女蘿姿得附青松株食貧何足怨百年權有餘
躬磨率凍婢截髮充饑厨竭此龜勉力聊冀光明閭
誰料舅姑心專以錢刀娛欲令全閨秀也學青樓姝
夜半誘巨賈開簾牽香裾寧斷已辱膺慎保未汚軀
老姑生嗔怒嬖妾恣毀譽坐失千金資皆緣此婦迂
遂言七出條不孝首當誅顯賴下堂去淚與江潮俱

曹種梅曰香山體裁恰妙
有含蓄小雅風人之義

寄祝蓉亭四兄六十初度即次其五十自壽原

韻

觴詠渾如昨流光又十年天游融六鑿地僻泯三愆
德與年俱劬操緣老更堅已聞香繞桂還羨玉生田
會許盧貞殿家稱石建賢維南遙獻壽長祝不崩騫

中秋夜坐

獨掩柴扉錦水灣桂冠因病得身閒朦朧暗月空巖
外蕭瑟涼颼老樹間千里音遲江北雁五更夢斷浙
西山翟公門巷無人到只有秋雲往復還

歸來

依然襦襖子質質復歸來悉數三年事真如一夢回
鷓行

珠殿側鳧鳥錦江隈挈榼喧鄰叟燈前笑口開

至毘陵哭座主劉文定公



身到黃扉十一年

公以癸未協揆辛卯大拜癸巳考終

恩深未許即歸田方看調鼎資前席頓見騎箕返故

躔 帝子奠臨頌

賜鏹居民巷哭釀私錢

明良他日榮青史樞禁三公有大賢

不材知遇亦非常字昧硃砂費較量五色雲開方奪

錦三神風引又迴樞

公總裁壬辰會試可培卷已定元十日因三場有疵抑置第五

自知骨相殊臺閣誰憫泥塗混鼠麀墨綬乍拖旋棄

甲回思期望屢沾裳

可培往江西拜別時公曰官不在小汝隣縣朱高安亦以縣令

起家汝其勉之言猶在耳而可培一試輒蹶媿負多矣

起家汝其勉之言猶在耳而

雲深不可尋
尋字出韻
此白誤抄

和作琴字不出韻或是不鳴

竹馬歡迎五馬街
坊字誤

依竹山房集

乙未 是年就河南學
使者莊公幕

蒙城口占

一自吳江溯亳州土風奢儉迥難侔多情惟有江南
柳和雨和烟送客舟

宿蕨山

驅馬秋陰道路長二陵風雨夜添涼一從身入函關
後每聽雞鳴憶孟嘗

嘉興 沈可培 向齋

函谷關

絕壁峭摩空秦關此最雄
一丸誰可塞六國尚難攻
雲影暮猶紫山花秋尚紅
時平忘設險圯堞夕陽中

博望驛

鞭絲帽影指南陽
禾黍青青隴麥黃
山腹雲低朝欲雨
柳陰風緊午生涼
路經歸馬歡聲溢
庭有懸魚至治香
不是翁歸能化俗
誰驅遊惰盡耕桑

時莊數坡世兄守南

陽

卧龍岡

諸葛名垂萬古餘
秋風斜日問遺墟
力扶正統真王佐
志復中原奠帝居
直筆開先終憶習
平林走馬尚思徐
治生尺寸知何有
突兀乾坤一草廬

和臨川冬夜有懷鄧州別駕陶君賦歸韻



無那棲鸞憶女床
翩然長謝舊鴛行
晴窓竹向清陰
窅小閣芸留廢帙香
直了名山真事業
寧唯青史著
循良會看通德門
前草書帶叢叢
壓密芳

遊府齊錦江咸見和卧龍岡之作復疊前韻以

酬

武庫宵羅富有餘更揮彩藻潤荒墟熊羆受約真無敵
獮獠將來時敢定居勝算先人高頗牧雄才倚馬壓
巖徐層崖古剎留題徧不獨龍岡一州廬

丙申

是年館南陽府署
兼主講方城書院

殷君瀟堂書齋新葺詩以落之

依然小構蔭踈檐甲乙重排鄰架籤容膝安時心自
遠讀書深後志彌謙別開窗網邀斜照仍引蘿陰當
下簾許我閒來分片席清譚每愛晚涼添

鳳仙花同莊文尚菴作

偏於秋色裡作態最嬌羞濃淡紛無定輕盈豔欲流
夕陽頽砌畔涼露古墻幽我見憐猶劇凡葩未許儔
未夫太翁素好靜修令子數坡太守於署後栽
花壘石別起小亭為禮佛之所因賦二律一羨
求道之篤一羨祿養之純

高華官閣峙丹霄別構茅亭遠俗鷺習靜夢無蕉下
鹿心安響絕樹間歌閒雲野鶴依寥廓空翠斜陽上
綺寮一任南陔喧五馬此身依舊是漁樵
百計能將愛景留承歡絮養迥無儔野花扶屐供微

笑曲徑携筇當遠遊
雨後遙山濃似黛
秋來新月細於鉤
閒中洵有如年日
海外何勞問十洲

登茅亭

忽從小圃敞蒼楹
極目寒空萬象清
遠樹孤雲天際合
紅亭翠巘望中明
即於軒冕成僊佛
何必山林遠市城
欲聽貝多真實語
頻依蓮座問三生

秋杪吳梯岑鎮臺

掄元

由宛南移駐虔州瀕行

出東湖望月圖索題即以誌別

畫戟霜凝燕寢香
閒來坐愛月華涼
接羅却笑遺山

簡習郁池頭喚葛疆

果然談笑却熊羆
節鉞光寒白水湄
共道天人真莫

並胸如秋月髮如絲

還從山水窟中行
章貢亭前景倍明
惟有多情是明

月相親依舊是

在

彭城

圖作於彭城故及之

丁酉

是秋自汴歸里冬杪丁外艱

喜雨

皇天久不雨今日雨
翻盆方罷添新綠
圓沙沒舊痕竹梧涼入牖
婦子喜盈門
苟滿官租額
汙邪安足論

哭王甥

宛洛樓遲客三年烏倦飛
炎風驅喘犢秋雨到巖扉
駭爾身消瘦傷心淚濕衣
自知情話短深慰遠遊非
淵角真超俗期扶大雅輪
佇看三館秀好慰九原人
亡妹去世已十四年
挾策偏傷性求醫浪向秦
惟餘清夜夢遠道故相親

題徐雲亭小影

雲亭少不羈曾次羅萬有
掛劍讀韜鈴看鞭羞落後
期作柱石質肯効牛馬走
樓遲四十年荏苒成老叟

秋霜萬个竹夜雨千畦
韭小橋綠波通結廬枕其石
遊戲持王籌酣笑擊秦缶
伊余託親串誼勝忘年友
年來逐浮名江湖遊轍久
偶尋子舍雲言歸紀丁酉
柴門來剝啄感君情獨厚
開圖露英姿精神猶抖擻
欲控萬里驄思穿百步柳
高臺陋野鷹東門啜黃狗
平生餘俠氣于今尚自負
安得從李廣射虎南山阜

戊戌

無詩是年

己亥

是年仍館玉山草堂秋間
大名郡守莊公聘請到署

立夏日玉山草堂即事

櫻筍厨開手共携鄉關琴酒復攀嵇花經雨後更翻
艷鳥為春歸不住啼角里市虛齷事近五湖波暗陣
雲低前年此日方城道猶記吟詩散馬蹏

十二月二十七日夢哭先君醒時得句

盡人歡會日是我斷腸時薄宦貧逾昔高堂饋若遲

看雲頻憶弟先君於丁酉十二月廿七日歿十弟梯雲于乙未十二月廿六日歿忌日相連

乞食強為師爆竹邨邨涕偏驚陟岵思

庚子

從大名至濟寧館運河道署初夏歸里秋領
咨赴部引見奉旨往直隸以知縣
補用十月署河
間府吳橋縣知縣

題陳蘊青先生是是圖



昌黎辭而闢盡掃南北宗詎知清淨理亦是空慾功
衆生蝦為目忘却主人翁譬如水上波因動無明風
風靜波亦靜濕性仍常充心佛及衆生差別誠無庸
苟悟不二法自達空假中公乃聖人徒說有肯談空
年來欲齋物遂獲天眼通繪得是是圖力使邊見融
豈惟西來竟老子真猶龍卅載過從久立地仰華嵩
時時聆塵教常見道氣濃披圖悟無生得窺圓覺衷
頗聞祇樹國欄楯峙七重琪花匝金地珠網罩龍宮

佛音時演暢發口如洪鐘頂禮尚見之負杖願相從

又

夫女散花呈妙色老僧揮麈說真空若教悟得西來
意都付先生一笑中

題陳西麓小照

好手能將意氣傳鬚眉颯颯腹便便浣花亭上當時
客綠絲何人最少年
屋漏釵痕擅者誰真從腕底見永斯秋來擬放平林
棹新得茅公石甚奇

瀟湘烟雨圖

渭川千畝槎枒在手潑墨如真煙飛雨走潤彼篔簹
春浮瀟湘千个萬个鬱鬱蒼蒼勁節誰比賢人逸士
我思古人不可無此其幹勻停其氣空青後凋之侶
君子之型上下千載胡質不改真竹或枯畫竹長在

離家

重着朝衫別所知蕭條行李衆休嗤殘牙曾啖紅綾
餅敗履嘗登
碧玉墀富貴致身雖不早涓埃欲報豈為遲惟憐無

父真何怙哭傷泉臺未忍辭

吳門遇故人有感

吹竽舊侶竟茫然細認音容喜欲顛自此分飛極南
北重逢未卜在何年

鎮江七夕

星河耿耿照蓬窓蕭瑟微風起晚涼十載奔馳鳩並

拙庭前瓜菓未經嘗

辛卯七夕在杭州壬辰在京師
癸巳甲午在工高乙未在大州

丙申在南陽丁酉在裕州戊戌在常州己亥在大名

今年又因入都泊鎮江口屈指十秋俱離家園感而

此賦

壬辰冬赴任西江守風瓜步登金山塔頂有句

云斜日莫催歸棹速白雲子舍在東南今復謁

選渡江而北先君去世已三載老母時抱

微疴俯仰傷懷進退無策

布帆風飽掛江濱兩戒遙分天塹奇惟有思親淚難

制金山塔影漸南時

舟漏

南風五兩輕吹我過郡伯行行清水潭
舳舻如有物篙師貪風利笑誇帆影疾
我生安平正坐久怪歌側

呼僮測舟底大呌水深尺急泊馬棚灣長年俱失色
撈救賴汎兵曬暎勞三日自歎為饑驅携子事旅食
形役非得已胡為遭險厄乃悟皇天慈小懲弭大忒
輕心每招尤得意常多失人事固如斯何況大川涉
所以衣初謀垂訓在義畫補漏復逆行邗江浪花白

清江浦

三閘喧逐轉舳艫鱗鱗萬室枕堤隅濤聲股引胎簪
水帆影遙連甍社湖迴復邗溝成利濟衰延高堰仰
宏圖安瀾更賴陳公績長使行人樂坦途

明陳暄築
清河堤三

十里專引淮流
不使濁河南注

淮陰侯祠

烏盡弓藏世共悲陰森遺像認荒祠背辭蒯徹崇朝
決臂挈陳豨萬古疑隱恨空留鍾室草靈風猶想井
陘旗功成身退天之道苦縣真經讀悔遲

登禹王臺

層臺疑切太虛高畚鍤當時手自操灑澹直教三事
叙胼胝敢憚八年勞倚簷老樹蛟龍走畫壁羣僚鬼
怪逃不是支祁煩鎖縛清淮那得靖波濤

附敬隨家大人登禹王臺迴武原韻

銘彝

崔魏傑構俯洪濤震攝神姦遠遯逃
河漢江淮同受導辛壬癸甲不辭勞
八年帝錫彝倫叙五度

宸遊

睿慮操更有沅河煩約束石臺

遙共馬陵高

郊城北亦有禹王臺沅河從馬陵山中
西注賴禹王臺障之不致決入駱

湖馬

漂母祠

食進王孫恩未報狗烹鐘室血猶新
可憐漢代無雙

士生死偏由兩婦人

錢黼堂曰
未經人道

眾興晚泊

倚堤小市水為鄉茅屋荆扉土作墻
地近黃河流帶濁時經白露晚添涼
雲埋遠岫歸鴉急風裊青帘社酒香
更恐倪迂描不到夕陽疎柳釣魚莊

皂河

彎環牽挽皂河墳征鐸晨催日又曛
雪為征狄常帶雨燕知將社故成羣
呂梁洪險遙堤隔駱馬湖寬一

派分常憶文襄疏鑿苦艸廬千里沂沭汶
新文襄公開皂河以

溜避黃
猫兒窩觀秋漲

聞道圻洪河餘流沒舊窩村村浮遠嶼樹樹泛深波
歲擊防秋鼓誰驚潰岍鼉兒童猶狎水小艇擲如梭
舟中蟋蟀

遊子驚寒早乘風况北行何勞微物警故向客舟鳴
遠夢山憲下踈籬月影明辛勤有萊婦機杼響殘更

梁旺城

水濶舟行疾輕帆掛晚風遙山踈柳外古殿夕陽中
地接東南界河看沂泗通推蓬常北望日下慶雲紅

黃林庄

秋新餘碧樹莊舊蹕黃林茅屋沿堤小漁舟撒網深
移情留返照隨意教歸禽頓覺塵襟豁前途有素心

辛丑

無詩是年二月卸吳橋縣事三月署順天府實城縣事四月卸事六月補保定府安肅縣知縣十月去官

壬寅

無詩是年二月旋里是年
癸卯 是年通州掌教

是年通州掌教
癸卯 是年通州掌教

酬李篠園

閒愛維摩譯義新
安心初許淨貪嗔
近讀初禪子手
註楞嚴經竿頭
進三生彈指今猶昔
四海論交老更親
顧我年來無
住著羨君世掌是
絲綸即看咳唾成
珠玉始信文章
果有神

題王勉齋小照

疎枝冷蕊凍雲橫
索笑巡簷空復情
不是藐姑烟火
遠誰耽香雪海中行
西冷橋畔接孤山
萬樹寒花冰雪顏
忽向緇塵開面

目一時清夢到鄉關

席景頤春日讀書小照

男兒須讀五車書
此語誰知實不虛
惟有君家重儒
術辦香崇奉是三魚

甲辰是年館
深州署

宿汶上

半梳新月續斜曛
十丈紅塵拂蕈紋
碧水青山迴舊
夢白衣蒼狗變浮雲
三年泣盡皋魚血
千里飛殘塞
鴈羣脆弟可坊可堡於
辛丑年相繼去世
自歎心如南旺水
南淮北濟

兩頭分

哭申蓉洲

鶴澗駕湖一葦通
燕南相見長飄蓬
文羅鐘鼎囊偏重
篆到冰斯力自雄
未就玉樓青鳥喚
欲尋子舍白雲空
蓉洲歿三日其尊人亦卒
中年哀樂傷懷抱
况復南天少晚鴻

夏日書齋漫興

朝光入牖燦紅霞
香篆無風一縷斜
多汗漫思新斲竹
簞鎮心還藉故俟
瓜重尋舊讀詩書
味快聽新知笑

語詳但覺雙丸跳
不定忍看髀肉脹
年華

博陵七夕

依然此夕又他鄉
官閣高華晚更涼
萬卷異書添室白
署內有一鉤
新月挂林黃
瑤池竹館風生籟
余家在南
菜圃瓜疇露帶香
多謝天公恩廣大
肯教

靈鵲駕飛梁

乙巳在深州復至保定詩藁失傳

惟有多情是明月

下句又是字



子



18



10



1



10



5



5



1



15



8




5



1



1



Handwritten vertical text: 子 之 子

卷之四